

南無七俱胝佛母准提王

天上及人間

受福如佛等

遇此如意珠

定獲無等等



準提功德聚

寂靜心常誦

一切諸大難

無能侵是人

ॐ व ल व ल व द ता ता

準提神咒持觀誦法要

佛陀教育基金會 印贈



閱此法要
雙手清潔
心平氣和
自有功效

前言

準提經咒是觀世音菩薩重要經典之一

俱胝又作俱致，唐三藏大師譯定是數字「千萬」之意，也有譯作「億」字之意，總之是很衆多之意思。

準提，譯謂以「清淨讚嘆之意」，是經咒之名。佛母爲尊稱，「佛從法生，能生母德之尊體，謂之佛母，如佛眼佛母，準提佛母，孔雀佛母」等。佛法「虛空無盡，森羅萬象」，不是我們凡人所能深入理解。

觀世音菩薩一毛孔中就有無邊無際法界，請閱「大乘莊嚴寶王經」。我們娑婆世界就有六尊觀世音菩薩渡化有情衆生，準提

觀音是渡化人道。

這本法要原爲木刻本，是流通法寶，如不重印，恐要失傳。其內容如壇法、觀法，較爲幽深，不必去學。十門功德，供佛利生儀及一些咒語，就夠我們念佛修行一輩子用了，「寶篋印陀羅尼」經云：「若是墮入地獄，其後代稱亡者名，誦此咒（咒語就是真言，陀羅尼等）七遍、地獄門開，蓮生承足、飛至極樂世界」，但沒有念佛一點基礎與佛也沒有一點感應，也是沒有用。

天地之間，陰陽之界真是「禍福無門，惟人自召，善惡之報，如影隨形」，因果通三世，我們不修今生也要修來生，只要我們一心向善，不要殘害殺生，不要作姦犯科，虔誠深信不疑的念佛，念「南無阿彌陀佛」或「南無觀世音菩薩」，都可以，

因爲這兩尊佛都有誓願普渡衆生，如能真誠沒有雜念，念一、二年就會有感應，再慢慢加持法要上的咒語，就是在念佛之前先要念咒語，如「淨法界真言」、「護身真言」、「大輪一字神咒」、「功德寶山神咒」、「六字大明咒」等。念一、三、五、七、二十一等遍都可以，這樣念下去自然就會再想加念，「準提咒、大悲咒、阿彌陀佛經」等等。如果不想加持，單念一句「阿彌陀佛」也可以，只要心誠，就能念到「一心不亂」與佛有感應，念久的人都很和善，心情開朗，家庭和諧。好好孝順父母，如果有能力再幫助別人，這就是福德，也是留給下一代的福德，自己也能往生西方極樂世界。

在家弟子 劉寒松

二〇一〇年五月敬識

重刻准提神咒持誦法要序

夫三界無安。猶如火宅。沉沒四生之內。輪迴六道之中。出生入死。受苦無邊。是以

如來爲此一大事因緣。出現於世。說三乘之妙法。接引羣生。開方便之妙門。慈航普濟。然其旨趣。不出顯密之兩宗。顯教則經律論。密教則陀羅尼是也。習顯教者。須得依教生信。依信生解。依解起行。行成得果。今密宗神咒。爲諸佛之母。菩薩之命。功能廣大。利樂無邊。一切衆生。并因位聖賢。雖不解得。但信而持之。自然超凡入聖。速了生死。早證菩

提。蓋准提經。并顯密圓通二卷。其中觀行。法。事。理。幽。深。
淺。智。學。人。難。於。誦。習。是。以。就。二。經。中。錄。其。至。要。易。行。令。披
覽。者。如。獲。如。意。之。珠。所。求。皆。遂。遵。依。者。如。餐。醍。醐。之。味。無
疾。不。瘳。真。乃。脫。生。死。之。良。方。登。覺。山。之。捷。徑。復。有。供。佛。供
僧。之。秘。法。濟。仙。濟。鬼。之。玄。門。拯。幽。靈。之。神。方。利。含。生。之。聖
術。功。德。廣。大。利。益。宏。深。所。願。萬。靈。普。護。四。衆。圓。修。長。燃。般
若。之。燈。恒。照。愚。冥。之。路。是。爲。序。

宣統元年中秋月吉旦

佛弟子比丘羅岍募化敬刻

鏡

鏡用潔淨青銅鑄成大
小不拘中心圓光磨亮
沿邊坎內鑄梵字神咒



壇

從唵嚩起右旋至部林
凡三十七字

鏡

鏡背中心鑄菩薩背相
沿邊坎內鑄漢字神咒



背


從唵嚩起左旋至部林
凡四十一字內有二合
多四字

度指契結手左 度指契結手右

智



福






準提手印




明珠


準提印法以二手內相叉
 二中指直豎二頭指屈附
 二中指第一節二拇指捻
 二無名指根結印當胸上
 若有請召二頭指來去



滿月



大三昧印



金剛拳

此名三摩地瑜伽觀行



又名心月梵字觀門

若欲求解脫生死苦海者。須作此三摩地瑜伽觀行念誦法。手結大三昧印。端身閉目澄心靜意。即想自心如一輪明月皎潔光明，湛然清淨。內外分明，起大精進決定取證。若能不懈怠專功。必當得見本源清淨之心。以唵字想於心月中，餘八字從前右旋布列，於定中須見真言字分明既不散動得定，即與般若波羅密相應。○持明藏儀軌云唵字是毘盧遮那佛根本。折字爲大輪明王根本。隸字爲大忿怒不動尊明王根本又爲馬頭明王根本，主字爲四臂佛身根本。隸字爲不空羂索菩薩根本亦觀自在菩薩根本。準字爲尊那菩薩根本。提字爲金剛薩埵菩薩根本。娑婆字爲伊迦惹吒根本，訶字爲嚩日囉曩佉明王根本，若不能想得九聖梵字者，於心月輪中但隨觀。

唵 阿 吽

以上三字但觀字持誦亦得。

佛說七俱胝佛母準提陀羅尼經（節要）

特進試鴻臚卿大興善寺三藏沙門大廣智不空奉 詔譯

如是我聞。一時薄伽梵。在名稱大城逝多林。給孤獨園。與大苾芻衆。并諸菩薩。及諸天龍八部。前後圍繞。愍念未來薄福惡業衆生。即入準提三摩地。說過去七俱胝佛所說陀羅尼曰。南無颯多引南。引三藐三沒陀。引俱引胝喃。引怛姪他。唵折隸主隸準泥娑嚩嚩引二合訶。引

若有修真言之行。出家在家菩薩。誦持此陀羅尼。滿九十萬徧無量劫。造十惡四重五無間罪。悉皆消滅。所生之處。常遇

諸佛菩薩。豐饒財寶。常得出家。若是在家菩薩。修持戒行。堅固不退。誦此陀羅尼。常生天趣。或於人間。常作國王。不墮惡趣。親近賢聖。諸天愛敬。擁護加持。若營世務。無諸災橫。儀容端正。言音威肅。心無憂惱。若出家菩薩。具諸禁戒。三時念誦。依教修行。現生所求出世間。悉地定慧。現前證地。波羅密。圓滿疾證。無上正等菩提。若誦滿一萬遍。即於夢中見佛菩薩。即吐黑物。其人若罪尤重。誦二萬遍。即夢見諸天堂寺舍。或登高山。或見上樹。或於大池中澡浴。或見騰空。或見於諸天女娛樂。或見說法。或見拔髮剃髮。或食酪飯。飲白甘露。或渡大海江河。或升師子座。或見菩提樹。或乘船。或見沙門。或見

居士以白衣黃衣覆頭。或見日月或見童男童女。或上有乳果樹。或見黑丈夫口中吐火燄。共彼鬪得勝。或見惡馬水牛。欲來舐觸。持誦者或打或叱。怖走而去。或食乳粥酪飯。或見蘇摩那花。或見國王。若不見如是境界者。當知此人前世造五無間罪。應更誦滿七十萬遍。即見如上境界。應知罪滅。即成先行。然後依法畫本像。或三時或四時。或六時。依法供養。求世間出世間悉地。乃至無上菩提皆悉獲得。

密教圓宗七俱胝佛母所說准提陀羅尼持誦法要

夫密教心要者。謂神變疏鈔。曼荼羅疏鈔。皆判陀羅尼教是密圓也。其顯教圓宗。須要先悟毘盧法界後。依悟修滿普賢行海。得離生死。證成十身無礙佛果。如病人得好藥方。須要自知分兩包灸法則。合成服之。方能除病身安。今密圓神咒。一切衆生。并因位菩薩。雖不解得。但誦持之。便具毘盧法界。普賢行海。自然得離生死。成就十身無礙佛果。如病人得合成妙藥。雖不知分兩和合法則。但服之。自然除病身安。故首

楞嚴經云。諸佛密咒。秘密之法。唯佛與佛。自相解了。非是餘聖所能通達。但誦持之。能滅大過。速登聖位。又云神咒是諸佛密印。佛佛相傳。不通他解。賢首般若疏云。咒是諸佛秘密之法。非因位所解。但當誦持。不須強釋。又遠公涅槃疏云。真言未必全是天竺人語。翻譯者不解。是以不翻。又天台止觀云。上聖方能顯密兩說。凡人但能宣傳顯教。不能宣傳密教也。自古諸師。皆說陀羅尼。因位聖賢。不能曉解。但信而持之。滅障成德。般若經云。總持猶妙藥。亦如天甘露。能療衆惑病。服者常安樂。又理趣經中。如來說有五藏。一經藏如牛乳。二律藏如乳酪。三論藏如生酥。四般若藏如熟酥。五陀羅尼藏。

如醍醐。醍醐之味。乳酪等中。最爲第一。能除諸病。令諸有情。身心安樂。西天多用醍醐療病陀羅尼者。經律等中。最爲第一。能除諸罪。令諸衆生。解脫生死。速證涅槃。安樂法身。彼理趣疏云。性德力大。密咒功強。解行雖劣。解脫則疾。問曰。賢首大師等。但判華嚴經爲圓。餘教皆非。今判陀羅尼。又是圓教。豈不違賢首等耶。答云。圓宗有二。一顯圓。二密圓。賢首但據顯教。正判華嚴爲圓。今神變疏鈔。曼荼羅疏鈔。類彼顯圓。判斯密教。亦是圓宗。顯密既異。乃諸師無違也。依密圓修煉。亦分爲二。一持誦儀軌。二驗成行相。

持誦儀軌

且初持誦儀軌者。須作五悔法。經云。每入道場。先應禮佛。懺悔。隨喜。勸請。發願。已。應自誓。受菩薩戒。此之五法。乃諸菩薩六時行道之軌轍。文備諸經論。今畧錄其要。以便修持。行者初入道場。先須虔具香華燈燭。淨水菓品。隨力莊嚴。諸供養具。清淨三業。長跪合掌。專心定意。手舉香爐云。

願此香花雲徧滿十方界。一一諸佛土。無量香莊嚴。具足菩薩道。成就如來香。（次拈花云）

願此香花徧十方。以爲微妙光明臺。諸天音樂天寶香。

諸天餽饍天寶衣 不可思議妙法塵 一一塵出一切塵

一一塵出一切法 旋轉無礙互莊嚴 徧至十方三寶前

十方法界三寶前 悉有我身修供養 一一皆悉徧法界

彼彼無雜無障礙 盡未來際作佛事 普熏法界諸衆生

蒙熏皆發菩提心 同入無生證佛智

供養已次
應起禮敬

一心頂禮十方盡虛空徧法界。不可說不可說。佛刹微塵數

世界。過現未來佛法僧三寶。

拜下默念觀想偈云。能禮所禮性空寂。感應道交難思議。我此道場如帝珠。十方三寶影現中。我身影現十方三寶前。頭面接足歸命禮。○下皆准此。唯改佛名及菩薩賢聖名是也。

一心頂禮毘盧遮那牟尼世尊

一心頂禮千華臺上盧舍那世尊

一心頂禮本師釋迦牟尼世尊

一心頂禮東方世界阿閼世尊

一心頂禮南方世界寶生世尊

一心頂禮觀自在王世尊

一心頂禮不空成就世尊

一心頂禮極樂世界阿彌陀世尊

一心頂禮十方法界諸佛世尊

一心頂禮七俱胝佛母所說大準提陀羅尼

一心頂禮十方法界修多羅藏一切陀羅尼門

禮法偈云 真空法性如虛空。常住法寶難思議。

我身影現法寶前。莫不皆悉皈命禮。

- 一心頂禮毘盧遮那宮殿中七俱胝準提佛母菩薩摩訶薩
- 一心頂禮觀自在菩薩摩訶薩
- 一心頂禮彌勒菩薩摩訶薩
- 一心頂禮虛空藏菩薩摩訶薩
- 一心頂禮大行普賢菩薩摩訶薩
- 一心頂禮金剛手菩薩摩訶薩
- 一心頂禮文殊師利菩薩摩訶薩
- 一心頂禮除蓋障菩薩摩訶薩
- 一心頂禮地藏菩薩摩訶薩

一心頂禮無能勝菩薩摩訶薩

一心頂禮大勢至菩薩摩訶薩

一心頂禮清淨大海衆菩薩摩訶薩

一心頂禮十方方法界一切菩薩摩訶薩

一心頂禮摩訶迦葉尊者諸大聲聞僧

一心頂禮十方方法界一切三乘賢聖僧

已上俱一拜。十方三寶準提佛母及準提陀羅尼法。各須三拜。禮已。次當懺悔。行者應想自身對三寶前。憶念先罪及今生所造。若不懺悔。當墮阿鼻地獄受極大苦。豈能成就所修真言妙行。如無量壽儀軌云。自身五體投地想於諸佛菩薩前。恭敬作禮已。互跪合掌當心。虔誠發露懺悔。無始以來。一切罪障。則隨喜諸佛菩薩。聲聞緣覺。一切有情所修福業。又觀十方世界。所有如來初成正覺者。請轉法輪。

所有如來現般若涅槃者。請久住世。不般若涅槃。又發願言。我所積集善根。禮佛懺悔隨喜勸請。以此福聚迴施一切有情。乃至見佛聞法。速證無上正等菩提。如是知己。心生哀切。口宣懺悔。

懺悔：

我弟子（某甲）。至心懺悔。自從無始生死以來。隨惡流轉。共諸衆生造業障罪。爲貪瞋癡之所纏縛。由身口意造五無間罪及十惡業。自作教他見作隨喜。或塔物僧物。自在而用於諸善人。橫生毀謗。見學聲聞緣覺大乘行者。喜生罵辱。令諸行人。心生悔惱。見有勝已便懷嫉妬。法施財施。常生慳惜。無明所覆。邪見惑心。不修善因。令惡增長。於諸佛所而起誹謗。如是衆罪。佛悉知見。我今皈命。對諸佛菩薩聖衆前。皆悉發

露。不敢覆藏。未作之罪。不敢復作。已作之罪。今皆懺悔。所作業障。應墮三途。及八難處。願我此生所有業障。皆得消滅。所有惡報。未來不受。亦如過去未來現在諸大菩薩。修菩提行。所有業障。悉皆懺悔。我之業障。今亦懺悔。咸悉發露。不敢覆藏。已作之罪。願得除滅。未來之惡。更不敢造。（懺悔已歸命禮三寶）

隨喜

我（某甲）至心隨喜。過去未來現在一切衆生修行施戒心慧。所有善根。我今皆悉深生隨喜。由作如是隨喜福故。必當獲得尊重殊勝無上無等之果。又於過去未來現在一切諸佛菩薩。聲聞緣覺。所有無量功德之聚。我今至心悉皆隨而

歡喜讚歎。（隨喜已皈
命禮三寶）

勸請

我（某甲）至心勸請十方一切諸佛世尊。現得無上菩提者。未轉法輪。我皆至誠勸請轉大法輪。安樂有情。十方一切諸佛世尊。欲捨報身入涅槃者。我今頭面頂禮。至心勸請。久住世間。度脫安樂。一切衆生。（勸請已歸
命禮三寶）

發願

我（某甲）至心發願。願諸衆生。悉發無上菩提之心。常念十方諸佛功德智慧。復願一切衆生。頓破無明。得見佛性。猶如諸大菩薩。一切天龍八部。增益威光。擁護國土。及於壇場。却

諸魔怨。令我所修諸佛祕密法要。速獲成就。又願諸佛菩薩。三乘聖衆。不違本誓。不捨慈悲。乞賜天眼遙觀。天耳遙聞。他心速鑒。爲作證明。弟子某甲。從我今身盡未來際身。誓依普賢菩薩摩訶薩。不可說無邊行願。我此四十八種不可說廣大行願。我當生修學。世世無違。

信解堅固不可說 決定無疑不可說 發菩提心不可說
持清淨戒不可說 見佛聞法不可說 禮敬稱讚不可說
承事供養不可說 懺悔隨喜不可說 勇猛精進不可說
慈悲喜捨不可說 行無邊行不可說 發廣大願不可說
修學回向不可說 智慧明了不可說 法身無量不可說

功德莊嚴不可說 淨土化生不可說 蒙佛授記不可說
相好光明不可說 圓音善巧不可說 總持辯才不可說
祕密三昧不可說 壽量名號不可說 微細甚深不可說
眞如平等不可說 妙用甚深不可說 方便知見不可說
誓成正覺不可說 那伽大定不可說 師子震吼不可說
神通無礙不可說 神力無畏不可說 降伏衆魔不可說
摧破外道不可說 分身變化不可說 隨類示現不可說
轉大法輪不可說 普度衆生不可說 隨順饒益不可說
代衆生苦不可說 究竟成熟不可說 悉令解脫不可說
往生佛國不可說 證悟佛乘不可說 具諸佛法不可說

作諸佛事不可說。入佛衆會不可說。同佛受樂不可說。如上所發四十八種廣大行願爲首。誓期滿足百萬阿僧祇大願。惟冀三寶世尊。觀世音菩薩。同體慈悲。證明攝受。弟子某甲若違一願者。不取正覺。何以故。阿彌陀佛發願如是。十方諸佛發願亦如是。普賢菩薩發願如是。諸大菩薩發願亦如是。中峯祖師發願如是。歷代祖師發願亦如是。大善知識發願如是。弟子發願亦如是。今爲同學大衆發願如是。普爲法界衆生發願亦如是。如是如是。無不如是。願同如是。恆沙衆盡入如來願海中。

回向

所有禮讚供養佛 請佛住世轉法輪 隨喜懺悔諸善根
回向衆生及佛道 我昔所造諸惡業 皆由無始貪嗔癡
從身語意之所生 一切我今皆懺悔 願我臨欲命終時
盡除一切諸障礙 面見彼佛阿彌陀 即得往生安樂刹
我既往生彼國已 現前成就此大願 一切圓滿盡無餘
利樂一切衆生界 彼佛衆會咸清淨 我時於勝蓮華生
親覩如來無量光 現前授我菩提記 蒙彼如來授記已
化身無數百俱胝 智力廣大遍十方 普利一切衆生界
乃至虛空世界盡 衆生及業煩惱盡 如是一切無盡時
我願究竟恒無盡 我此普賢殊勝行 無邊勝福皆回向

普願沉溺諸有情。速往無量光佛刹。願消三障諸煩惱。
願得智慧證明了。普願罪障盡消除。世世常行菩薩道。
發願已。皈命禮三寶。行者發願畢。即依下文修敬田。如法結印持咒。
運想供養佛法僧三寶竟。次誦菩提心咒。依法次第持誦。
畢。即回向。

學佛之人。須發此願。若不依此願者。不名發菩提心也。凡有修福念
佛。禮懺誦經。乃至一毫之善。悉皆回向西方有所歸趣。臨命終時。
定生淨土。諸仁者。果能持此戒。發此願。修此行。非但往生淨土。
亦不落緣覺聲聞之地。親證普賢境界。直至成佛矣。
若有比丘比丘尼。善男信女等。能發心晨昏頂禮。香花供養。所有十
惡五逆。毀謗三寶。如是等罪。悉能消滅。無有遺餘。

以上五悔法。若四衆弟子。每日二時或六時依法頂禮誦

懺悔等文。功德無量。罪業消除。或有善男信女。不能依法頂禮誦懺悔等文者。即頂禮十方佛法僧三寶。并準提菩薩各三拜。可誦下偈一遍。若四衆弟子時速。不能如上作法者。亦誦此偈云。

我弟子（某甲）至心懺悔。

皈命十方佛 大聖准提尊 一切賢聖衆 悉知悉見我
今身若前身 所造諸惡業 我今盡發露 衆罪皆懺悔
我弟子（某甲）至心勸請。

十方一切佛 現在成道者 我請轉法輪 安樂諸衆生
十方一切佛 若欲般涅槃 我今頭面禮 勸請久住世

我弟子（某甲）至心隨喜。

三世諸如來 菩薩聲聞衆 修習三乘人 乃至凡夫類
所有諸福善 施戒禪定慧 忍辱并精進 我今皆隨喜
我弟子（某甲）至心發願。

願諸衆生等 悉發菩提心 永斷諸煩惱 當證一切智
復願我今修 准提秘密行 所求諸悉地 隨心速成就
我弟子（某甲）至心回向。

以我所修福 及與真言行 回向諸有情 共成無上道
復以今所修 禮拜及懺悔 勸請并隨喜 發願回向善
悉施與衆生 永離三途苦 同趣大菩提 法界真如海

如上五法皆言悔者。以其悉能除障滅罪。禮佛能除我慢障。得尊貴身。懺悔能除三障。得依正俱足隨喜能除嫉妬障。得大眷屬。勸請能除慢法障。得多聞智慧。發願能除退屈障。得總持諸行。速獲妙果迴向者。謂迴自所修善根。向於三處。即實相菩提及與衆生。能除著有及慳悋心。由迴向少善。徧入三際。如滴水投海。如聲入角。則能遠徧。凡持誦畢。然後迴向。以所修真言功德善根迴向三處便合。

○次誦受菩提心戒眞言七遍眞言曰。

唵冒地止多毋怛跛娜野弭。

由誦此咒。獲得無量無邊無爲功德。莊嚴三業。乃至菩提道場。其福德無有間斷。速滅一切業障。所修真言。速得成就。

次結金剛正座。

以右腳壓左腳脛上。名爲金剛坐。或隨意坐亦得。

次誦加持數珠眞言。用末

香塗珠上。以二手掌捧珠當心。誦眞言七遍。加持數珠。眞言曰。唵。吠嚧遮那摩羅娑嚩賀。

加持珠已。心口作是願言。我今欲念誦。惟願本尊諸佛菩薩。

加持護念。令速如意。所求圓滿。○次結大三昧印。

以二手仰掌展舒。以右手在

左手上。二大姆指相著。安臍輪下。此印能滅一切狂亂妄念。雜念思維。澄定身心。即觀六道衆生。無始

已來。於生死海中。輪迴六趣。願彼皆發菩提心。行菩薩行。速

得出離。作是念已。方入淨法界三昧。謂想自身頂上有一梵

書。其嚙字。此字遍有光明。猶如明珠。或如滿月。想此字已。復

結金剛拳印。

以左手大姆指捻無明指第一節。餘四指握大姆指作拳。此印能除內外障染。成就一切功德。

右手持數珠。

○次誦淨法界眞言二十一遍。眞言曰。

唵。嚙。



此淨法界嚙字。若想若誦。能令三業悉皆清淨。一切罪障盡得消除。

又能成辦一切勝事。隨所住處。悉得清淨。衣服不淨。便成淨衣。身不澡浴。便當澡浴。若以水淨。不名真淨。若用此法界心嚙字淨之。即名畢竟清淨瓶。如靈丹一粒。點鉄成金。真言一字。變染令淨。偈云。囉字色鮮白。空點以嚴之。梵書_ㄩ囉字上安空點。即成_ㄩ嚙字也。如彼髻明珠。置之於頂上。真言同法界。無量衆罪除。一切觸穢處。當加此字門。若實外緣不具。無水洗浴。闕新淨衣。但用此嚙字淨之。若外緣具者。而不洗換。託此以爲淨。是無敬信懈怠之人。尙不能免輕慢之愆。何能滅罪生福。成就所求悉地。若先用水如法澡浴洗淨。著新淨衣。更用此嚙字淨之。即內外俱成清淨。所祈速獲靈驗。

○次誦文殊菩薩護身真言二十一遍。真言曰。

唵。嚙。嚙。

(嚙字去聲
彈舌呼之)

一直音疾陵。

_ㄩ

(此是梵書唵
嚙字。)

若誦此咒。能滅五逆十惡。一切罪障。能除一切種種病苦。災障惡夢。邪魅鬼神。諸不祥事。而成辦一切勝事。令一切所願。皆得圓滿。此咒是諸佛心。若發無上大菩提心。誦之一遍。力能守護自身。

若誦兩遍。能守護同伴。若誦三遍。能守護一宅中人。若誦四遍。能守護一城中人。若誦五遍。能守護一國中人。若誦六遍。能守護一天下人。乃至誦七遍。能守護四天下人。若以清旦誦七遍。咒水洗面。能令見者歡喜。若能專心念誦。能令衆生。現世當來。常獲安隱。與諸如來大菩薩衆。常爲眷屬是故慇懃。生難遭想。勿生輕慢起疑惑心。所獲功德。不可思議。廣如文殊根本一字咒經說。

○次誦觀世音菩薩六字大明真言一百八遍真言曰。

𑖀(唵) 𑖄(麼) 𑖥(呢) 𑖦(鉢) 𑖧(訶) 𑖨(吽)。
一作

唵嘛呢叭彌吽

若誦此咒。隨所住處。有無量諸佛菩薩。天龍八部集會。又具無量三昧法門。誦持之人。七代種族皆得解脫。腹中諸蟲當得菩薩之位。是人日日得具六波羅密圓滿功德。得無量辦才。清淨智聚。口中所出之氣。觸他人身。蒙所觸者。離諸瞋毒。當得菩薩之位。假若四天下人。皆得七地菩薩之位。彼諸菩薩。所有功德。與誦六字咒一遍功

德。等無有異。此咒是觀世音菩薩微妙本心。若人書寫此六字大明。則同書寫八萬四千法藏。所獲功德等無有異。若人以金寶造如來像數如微塵。不如書寫此六字中一字功德。若人得此六字大明。是人貪瞋癡不能染著。若戴持此咒在身者。亦不染貪瞋癡病。此戴持人。身手所觸。眼目所覩。一切有情。速得菩薩之位。永不復受生老病死等苦。

○次須澄心合掌。觀想準提佛母與諸眷屬圍繞。了了分明對坐。即念偈讚一遍。偈曰。

大慈救世尊	善導一切衆	福持功德海	我今稽首禮
眞如舍摩法	能淨貪瞋毒	善除諸惡趣	我今稽首禮
得法解脫僧	善住諸學地	勝上福德因	我今稽首禮
大聖準提尊	哀愍於世間	成就諸悉地	我今稽首禮
大悲觀自在	一切佛讚歎	能生種種福	我今稽首禮

大力忿怒身 善哉明持王 降伏難伏者 我今稽首禮

○次念龍樹菩薩偈讚云。(念一遍)

準提功德聚 寂靜心常誦 一切諸大難 無能侵是人

天上及人間 受福如佛等 遇此如意珠 定獲無等等

南無七俱胝佛母大準提菩薩。(三稱畢。即結準提手印持咒。印法照下式便合。)

○次念七俱胝佛母大準提陀羅尼真言曰。

न (南) म् (無) र् (薩) र् (哆) न् (喃) र् (三) म् (藐)

स् (三) उ (菩) र् (馱) र् (俱) म् (胝) न् (喃) त् (怛)

त् (你也) र् (他)

स् (唵) व (者) र् (禮) उ (主) र् (禮) उ (準) र् (提)

𑖀 (娑婆) 𑖀 (訶) 𑖀 (部林)。

若有修真言之行。出家在家菩薩。誦持此陀羅尼。滿九十萬遍。無量劫造十惡五逆。四重五無間罪。悉皆消滅。所生之處。常遇諸佛菩薩。豐饒財寶。常得出家。若在家菩薩。修持戒行。堅固不退。誦此陀羅尼。常生天趣。或於人間。常作國王。不墮惡趣。親近賢聖。諸天愛敬。擁護加持。若營世務。無諸災橫。儀容端正。言音威肅。心無憂惱。若出家菩薩。具諸禁戒。三時念誦。依教修行。現生所求。出世間悉地。定慧現前。證地波羅密圓滿。疾證無上正等菩提。若所求事。欲速成就者。當依準提經中作法。斷除酒肉葷辛。方得應驗。如或隨時獲益滅罪生福。在家不能全斷酒肉妻妾。可於每月十齋日。受持八關戒齋。斷殺盜婬妄酒。香華歌舞樂等。八事爲戒。過午不食爲齋。十齋日者謂初一初八十四十五十八廿三廿四廿八廿九三十由此十日淨持齋戒故。令念誦眞言。必獲靈驗。非十齋日。縱令酒肉妻妾。但當一心誦持。能使短命衆生增延福壽。疾病消除或有無福無相。求官不遂。貧苦所逼。常誦此咒。能令現世得轉輪王福。所求官位。必

得稱遂。禪宗傳燈錄中引古人云。俱胝只念三行咒。便得名超一切人是也。若求智慧。得大智慧。求男女便得男女。凡有所求。無不稱遂。似如意珠。一切隨心。所欲皆得。又誦此咒。能令國王大臣。及諸四衆。生愛敬心。見即歡喜。誦此咒人。水不能溺。火不能燒。毒藥冤家。軍陣強賊。及惡龍獸。諸鬼魅等。皆不能害。乃至欲請梵王帝釋。四天王閻羅天子等。但誦此咒。隨請必至。所有驅使。隨心皆得。此咒於南瞻部洲。有大勢力。移須彌山。竭大海水。咒乾枯樹能生花果。何況更能依法持誦。不轉肉身。得大神足往兜率天聽聞正法。及往十方世界。承事諸佛。獲菩提記。若求長生及諸仙藥。但依法誦咒。即得見觀世音菩薩。或金剛手菩薩。授與神仙妙藥隨取食之。即成仙道。得延壽命齊於日月。證菩薩位。若欲成就壇法。不同諸部廣修供養掘地香泥之所建立。但以一新圓鏡。未曾用者。於佛像前。隨月十五日夜。面向東方。置鏡座前。隨力莊嚴諸供養具。香花燈燭淨水等。然後結準提印當於心前。誦眞言咒鏡一百八遍畢。以囊盛鏡常將隨身或安佛前亦得。每欲念誦。但以鏡壇置於面前結印誦咒。若不能逐日對鏡念誦。但於十齋日對鏡念誦。除十齋日不對鏡念

誦亦得。密藏之中。今此鏡壇最爲要妙。總攝一切諸壇。若無鏡者。但想一鏡在於面前持誦亦得。淨諸惡趣經等。多說想成壇法持誦爲上。或不能想得壇者。但只專注持咒。亦得成就。

○大輪一字咒（宜與準提咒同念）

唵（唵） 𑖀（部林） 一 作沒隆（二合）

此咒亦名末法中一字心咒。此咒於末法際。法欲滅時有大勢力。能於世間作大利益。能獲如來一切法藏。能降一切八部之衆。能摧世間一切惡咒。是一切諸佛之頂。是文殊菩薩之心。能施一切衆生無畏。能與一切衆生快樂。凡有修持。隨意得果。同如意珠。能滿一切之願。若誦此咒。於四方面。五百驛內。諸惡鬼神。皆自馳散。諸惡星曜。及諸天魔不敢侵近。若持誦餘一切眞言恐不成就。即用此咒共與一切眞言同誦持之。決定成就。若不成就。及無現驗。其咒神等。即當頭破七分。是知此咒。能助一切眞言。疾得成就。或別持此咒亦得。廣如文殊儀軌經說。以上數道眞言。皆是持準提咒之次第。若不能結得

準提印者。但以左手結金剛拳。右手持數珠持誦。或不能從前淨法界眞言等次第持誦者。只持準提咒亦得。而準提咒亦分三項。自南無起。至他字。是皈敬辭。唵字至訶字是正咒。部林乃大輪一字咒也。若誦完一百八遍。於頂上散手印。如欲再念。以左手結金剛拳。右手持數珠。即在唵字正咒念起。至部林止。任意持誦。每持誦畢。即用右手結金剛拳印。口誦吽字眞言而印五處。先印額上。次印左肩。次印右肩。次印心上。後印喉上。印完頂上散之能除一切魔障。成就一切勝事。或持課時。先印五處。亦得又隨所住處。欲辟除鬼神結金剛界。但誦準提眞言咒香水二十一遍。八方上下灑之。即成辟除結界。

○次念迴向文一遍。(互跪合掌念)

我(某甲)至心迴向。從無始來。至於今日。於三寶所。修行成就。所有善根。乃至施與衆生一搏之食。復以如是持誦祕密功德。懺悔勸請。隨喜善根。皆悉攝取。回施一切衆生。無悔悞。

心是解脫分善根所攝。如諸佛世尊之所知見。不可稱量。無礙清淨。如是所有功德善根。悉以回施一切衆生。不住相心。不捨相心。我亦以如是功德善根。悉以回施一切衆生。共諸衆生。同證無上菩提。得一切智。因此善根。更復出生無量善法。亦皆回向無上菩提。又如過去未來現在諸大菩薩修行之時。功德善根。悉皆回向一切種智。然我所有功德善根。亦皆回向無上菩提。是諸善根。願共一切衆生。俱成正覺。如餘諸佛坐於道場菩提樹下。不可思議。無礙清淨。住於無盡法藏陀羅尼。首楞嚴定。破魔波旬。無量兵衆。一剎那中。悉皆照了。於後夜中。獲甘露法。證甘露義。我及衆生。願皆同證如是。

妙覺。猶如諸佛示現應化。得無上菩提。轉妙法輪。爲度衆生。
我亦如是示現應化。得無上菩提。轉妙法輪。度諸衆生。我今
持誦大準提。即發菩提廣大願。願我定慧速圓明。願我功德
皆成就。願我勝福遍莊嚴。願共衆生成佛道。願以此功德。莊
嚴佛淨土。上報四重恩。下濟三途苦。若有見聞者。悉發菩提
心。盡此一報身。同生極樂國。見佛了生死。如佛度一切。無邊
煩惱斷。無量法門修。誓願度衆生。總願成佛道。虛空有盡。我
願無窮。情與無情。同圓種智。十方三世一切佛。諸尊菩薩摩
訶薩。摩訶般若波羅蜜。

讚

準提神咒。功德周圓。俱胝佛口共弘宣。持誦利人天。福壽增延。果得證金仙。

南無準提王菩薩摩訶薩。(三稱)

自皈依佛。當願衆生。體解大道。發無上心。

自皈依法。當願衆生。深入經藏。智慧如海。

自皈依僧。當願衆生。統理大衆。一切無礙。和南聖衆。(作禮三拜完)

又正持誦時。准俱胝陀羅尼經。金剛頂經。五字陀羅尼頌等。數本經教中說。隨根所樂。亦有多種。一。瑜伽持。謂想自心如一月輪圓滿皎潔。湛然清淨。內外分明。以梵書_𑖀唵字安心中。以_𑖀折_𑖀隸_𑖀主_𑖀隸_𑖀准_𑖀提_𑖀婆_𑖀訶字。從前右旋。次第周布輪緣。終而復始。○或想心月輪中。有梵書_𑖀唵字。如來因位多年修道。不得菩

提。後習此觀。於初夜分。便成正覺。謂唵字。具含無量法門。是一切真言之母。一切如來。皆因觀想此字而得成佛。○或想心月輪中。有一~~聚~~阿字。謂阿字是毘盧佛身。亦是法界。亦是菩提心。若人想念能生無量功德。或想心月輪中。有一~~聚~~吽字。謂吽字總攝金剛部一切真言。是金剛部主身。亦是三解脫門。若常想念。能除一切罪障。成就一切功德。二。出入息持。謂出入息中。想有真言梵字。息出字出。息入字入。字字朗然。如貫明珠。不得間斷。○或息出時。想自心月輪中九聖梵字。字字連環。皆有五色光明。從自口中流入准提菩薩口中。右旋安布准提菩薩心月輪內。若息入時。想准提菩薩心月輪中。亦字字連環皆有五色光明。從准提菩薩口出。流入自口中。右旋安布心月輪內。如是終而復始想之甚妙。三。金剛持。唇齒不動。舌不至嚙。但口中微動。四。微聲持。但令自耳聞之。不緩不急字字須得分明稱之。五。高聲持。令他聞之滅罪。○復有二種持誦。一無數持誦。謂不持珠定數。常無間斷持之。二有數持誦。謂掐數珠。每日須得限定其數。不得缺少。若掐數珠所獲功德。諸經廣讚。如數珠功德經說。若有人手持數珠。雖不念誦佛名。及陀羅尼者。此人亦獲

福無量。又金剛頂念珠經偈云。若安頂髻淨無間。由戴項上滅四重。手持臂上除衆罪。能令行人速清淨。又一字頂輪儀說。若用ㄟ嚙字真言加持數珠七遍。用持課時。一遍成千遍。若掐數珠至母珠却迴。不得越過母珠。恐招越法之罪。每日依法持誦時。須限定其時分。若一時持謂早晨。若二時持并黃昏。若三時持加正午。若忙務者。不拘時分。但有暇時持之。○若上根持。須得三密相應。一身密結印。二語密誦咒。三意密或想真言梵字。或緣持誦之聲。或想准提菩薩金色妙相。或想菩薩手中所執杵瓶華果等物。故神變經疏云。若用三密爲門不須經歷劫數。具修諸行。只於此生。滿足諸波羅密。又正持誦未滿一百八遍不得共人語話。若欲語話時。於自舌上想一梵書。ㄟ嚙字。縱語話不成間斷。問曰。爲當只持一道真言功德成就。爲復廣持多本真言功德成就。答。有二門。一者隨根所樂門。謂根有各種。好樂不同。或有好持三道五道十道。乃至百道等中間。隨根所樂不同。皆得持誦。二者疾得成就門。謂欲求。一切功德疾得成就。宜專持一道真言成時。一切真言功德。皆悉成就。故文殊儀軌經說。若欲一切功德成就。不得於別真言而起思想是也。如上雖有數道真言。皆是持誦准

提真言之次第。問曰。既專誦一咒。疾得成就。何以多示准提真言。令人持誦。答云。一爲准提總含一切諸真言故。准提能含諸咒。諸咒不含准提。如大海能攝百川。百川不攝大海。准提總含諸咒。如下所明二爲准提壇法人易成辦故。但以一新圓鏡未用過者。便是壇法。不向餘咒建辦壇法。須得揀選淨處。香泥塗地。廣造佛像。多用供具。方能成就。有財物者。廣造佛像。多辦供具。於佛像前。安置鏡壇。對之持誦更妙。三爲准提不揀染淨。得持誦故不問在家出家。飲酒食肉。有妻妾等。皆得持誦。不同餘咒。須要持戒方得誦習。今爲俗流之輩帶妻挾子。飲酒噉肉。是其常業雖逢僧人教示。習性難以改革。若不用此大不思議咒法救脫。如是人等。何日得出生死。其有齋戒清淨。依法持誦者。更爲勝妙。故准提經云。何況更能結齋具戒。依法持誦。不轉空身。往第四天。得入神足是也。所以多示准提真言。令人持誦。若有樂持餘真言者。隨心皆得。勿要定執一途耳。雖專誦二咒。須先起圓信。信五部咒。皆是成佛之門。若受一缺餘。多成謗法也。又真言行者。每日對鏡初欲持誦時。或只依前。先想自身頂上有一梵書。𑖀𑖡𑖣字猶如明珠或如滿月。然後持課。又准大乘觀想曼拏羅經。持

明藏成就儀軌經。尊勝佛頂修瑜伽法等。數十本經教中說。或想自身頂上ㄟ嚙字。變作三角火輪。從頂至足燒盡自身。遍周法界。唯見清淨。縱有五無間罪。用此字燒身。亦皆除滅無遺。次想一梵書𠄎阿字。生成自身。謂阿字即體是無相法界。從無相法界生成行者之身。復想一𠄎暗字。在自頂門十字縫中。謂暗字即體是十方諸佛光明法水。用灌佛子之頂。此是祕密灌門法門然後持誦。○或舌上想一ㄟ嚙字。或𠄎吽字。想竟然後持誦。○或想自身頸上生出一朵大蓮花。於蓮花上現出𠄎阿字。復想阿字變成月輪。又想月輪變成赤色𠄎吽字。𠄎字變成白色五股金剛杵。方得名爲金剛手。然後結一切印。○或想准提九聖梵字。每一一字有種種光明安。自身分之中。所謂想𠄎唵字安頂上。其色白如月。放於無量光。除滅一切障。即同佛菩薩。摩是人頂上𠄎折字安兩目。其色如日月。爲照諸愚暗。能發深慧明。𠄎隸字安項上。色如紺瑠璃。能顯諸色相。漸具如來智。𠄎主字想安心。其色如皎素。由心清淨故。速達菩提路。

𠄎隸字安兩肩。色如黃金色。由觀是色相。能披精進甲。𠄎淮字想臍中。其色妙黃白。速達妙道場。不退菩薩故。𠄎提字安兩脛。其色如淺黃。速證菩提道。得坐金剛座。𠄎婆字安兩脛。其狀作赤色。常能想是字。速得轉法輪。𠄎訶字安兩足。其色猶如月。行者作是想。速得達圓寂。如是布字想念已。便成准提勝法門。亦如本尊真實相。能滅諸罪得吉祥。猶如金剛堅固聚。是名准提勝上法。若常如是修行者。當知是人速悉地。想安布已。然後持誦。持明藏儀軌經說。若於准提菩薩法中。求成就者。先觀准提菩薩根本微妙字輪安自身分。一一分明。是人先身所造一切罪業。悉得除滅。凡有所求。決定成就。安布九字藏經數處說也。觀想梵字。所有功德。廣如諸陀羅尼經中說之。○此上梵字觀門。若四威儀中。常思之更妙。凡諸經中說想眞言字者。皆是梵字。非是此方文字。故一字頂輪王儀軌云。所言觀諸字。唯瞻於梵字。非是隨方文。有大神用力或有不能想得梵字。但只專心持誦。亦具一切三昧。故大悲心經云。陀羅尼是禪定藏。百千三昧常現前故。若人緊切持誦時或逢種種魔障或忽然怕怖。或舌難持誦。或身心不安。或多嘔多睡或見諸異相。或於咒反生疑心。不欲持

誦等云云。若對治者應觀梵書ㄩ囉字。或觀ㄩ嚩字。或觀ㄩ阿字等。但隨觀一字。彼境界自然消滅。若分別心多。當觀ㄩ灑字。即成無分別。若著有心多。應觀ㄩ含字。即固緣法本空也。○此上且約一途而說。若實言之隨一字一切處皆得用之。謂一字實具一切字。一切功用。是一切諸佛。菩薩也。○問曰。上引古來諸師。皆云咒是諸佛祕密之法。非因位所解。何却如前解說。阿字是毘盧佛身。吽字是三解脫門等耶。答云。准賢首般若心經疏。及神變疏。并密藏諸陀羅尼經意。而有二門。一不可說門。謂咒是諸佛密法。佛佛相傳。不通他解。但當誦持。不須強釋。二強說門謂真言中。隨舉一字。或作人。或作法橫豎該羅。自在解說舉要而言。無盡法門。於一字中。總解說盡。方是陀羅尼字義。就此言之。假使十方諸佛。經恒沙劫。共說真言一字中義。亦不能盡。何況餘人。說者尙難。豈況受者。所以且於一字中少分。或作人或作法。而解說之。前說阿字是毘盧佛身。吽字是三解脫門等。即是強說中少分一途之義。餘處有文解釋真言字義句義皆是此強說門中少分一途義耳。若於真言一字中。或作二義五義十義。乃至百義等解釋。名少分義。若作一義解釋。名一途義耳。

上言唯佛所知。不通他解者。據密教本宗。不可說門言也。此不可說門。義當顯圓離言果海。此強說門義當顯圓帶言因分。

問曰或有衆生欲除種種灾障或欲增長福慧或欲祈證聖果等爲當只依前儀軌持誦耶。爲復更別有方法耶。答曰。但只依前儀軌持誦。凡有所求決定成就。或有樂隨所求之事。各別作法者。今與畧示法式准千手千眼觀自在菩薩修行儀軌經。七俱胝大明陀羅尼經。神變經疏。及諸眞言儀軌等說。有五種壇法。所謂息災法。增益法。敬愛法。降伏法。出世間法。

壹，五種壇法

一若作息災法者。

爲除惡業重罪煩惱等障。種種災難。官事口舌。鬼魅所著惡星陵逼等。○行者面向北。交脚豎膝而坐。像面向南於准提像前安置鏡壇。更想一白色圓壇於圓壇中遍想_レ嚩字。或_レ鉸字。尊像供具。并行者自身。俱想在圓壇之中。或於像前只塗拭一圓壇亦得。觀准提作白

色。所獻華果飲食。并自身衣服。皆作白色。塗香用白檀燒香用沉香。燃酥燈。以慈心相應。從月一日初夜時起首。至月八日滿每日三時澡浴。三時換衣至日滿時或斷食。或食三白食。○三白食謂乳酪粳米飯。或粥無力者。尊像供具衣服。但運心想之亦得。下准此例知。○若念誦時依前次第持誦至准提咒。誦一百八遍已。然後但從唵字誦之。妙言曰。

唵。折隸主隸准提與（某甲）除災難娑婆訶。

若爲自己。於字上稱自己名。及所爲事。

若爲他人稱他人名。及所爲事。

二若作增益法者。

爲求遷加官榮。增長壽命。及求福德聰明。眷屬勢力。錢財豐盛。穀麥成熟。及求伏藏珍寶仙藥五通等。○行者面向東。跏趺而坐。像面向西於准提像前安置鏡壇。更想一黃色方壇。於方壇中遍想阿字。或或暗字。尊像供具。并行者自身。俱想在方壇之中。或於像前只塗拭一方壇亦得觀准提作黃色。所獻華果飲食。并自身衣服等。皆作黃

色。塗香用白檀。加少鬱金。燒白檀香。燃芝蔴油燈。以喜悅心相應。從月九日日初出時起首。至十五日滿。每日三時澡浴換衣至日滿時。准前斷食及三白食。念誦如前。妙言曰。

唵。折隸主隸准提與（某甲）所求如意娑婆訶。稱名及所爲事。例准前知。

三若作敬愛法者。

爲求一切賢聖加護。天龍八部歡喜。及求說法辯才。言音清雅。聞者喜悅。及求一切人敬愛。知友親近。冤家和順等。○行者面向西。結賢坐。像面向東。於准提像前安置鏡壇。更想一赤色半月形壇。於半月壇中。遍想卍賀字。或唵含字。尊像供具并行者自身。俱想在半月壇中。或於像前只塗拭一半月形壇亦得。觀准提作赤色。身著緋衣。所獻華果飲食。并自身衣服盡皆赤色。塗香用鬱金。燒香以丁香。蘇合香。蜜和燒之。然諸果油燈。以喜怒心相應。從十六日後夜時起首。至二十三日滿。每日澡浴斷食。念誦法准前行。妙言曰。

唵。折隸主隸准提令一切人敬愛（某甲）娑婆訶。稱名及隨所爲事例准前知

四若作降伏法者。

爲降伏。一切惡毒鬼神。及惡龍獸。損害一切有情者。及調伏一切惡人。於國不忠。生反道心者。及滅三寶毀真言者。或與持咒人作諸障難者。如是一切惡人。持咒行者運大慈悲。得作此法。若爲自己所求。及有怨讐作此法者。准諸經說。必定反招災禍。及反得盡世癡騷。學者知之。○行者面南。作蹲踞坐。左脚壓右脚。像面向北。於准提像前安置鏡壇。更想一青色三角壇。於三角壇中。遍想𠄎囉字。或𠄎嚩字。尊像供具。并行者自身。俱想在三角壇中。或於像前只塗拭一三角壇亦得。觀准提作青色。或黑色。著青黑衣。自身衣服亦皆青色。獻青色華。不香華。及曼陀羅華等飲食用石榴汁染作黑色。或作青色塗香用柏木。闕伽用牛尿。以黑色華及芥子柏木塗香等。各取少分置闕伽水燒安息香。然界子油燈。以忿怒心相應。從二十四日午時。或夜半時起首至月盡日滿。每日澡浴斷食。念誦法准前行。妙言曰。

咩。折隸主隸准提咩發吒。(二合) 𠵼此是梵書發吒字。

若惡人等。身心不安。或得大病。或命欲終。即當勸彼令發善心。若是悔過自責永斷惡心。即為彼人作息災法念誦。彼人即免災難。此上是四種成就之法。若欲於此四種法中求成就者。須得預前持誦准提眞言五十萬遍或七十萬遍。而為先行。方於四種成就法中隨心所欲作一法時。決定成就。每見今時。或釋或儒。為名為利。終年親附。竟日趨來。用盡身心。罕得稱懷。無常來至。又生下劣之處。何如依諸佛之聖言。誦祕密之神咒。於上增益等法中。頻頻作之。所求之事。決定遂心。一切罪孽。悉得消滅。無常來至。又生勝處。現在未來。俱獲利樂。豈不善哉。有斯鉅利。故佛說之。

五若作出世間法者。

為欲速滿福德智慧二種資糧。及頓圓十波羅蜜超越三無數劫。今世祈尅聖果現前。○行者在於山間深谷殊勝巖窟。清淨伽藍。運大悲心。常樂利樂無邊有情。同准提王菩薩。仗託無盡諸佛菩薩。大悲願力助

護。限四月四日。一期之內。阻絕人客。默斷語言。三密相應。心無間斷。行者面向東。餘方亦得。就中向東最吉。或全跏坐。或半跏坐。或隨意坐俱得。像面向西。於准提像前安置鏡壇。行者頂上想有一梵書_𑖀嚩字。變成火輪。燒盡自己。有漏之身。復想大蓮華上有_𑖀阿字。生成無漏智身。更想_𑖀暗字灌頂已。又想_𑖀嚩字變成大火。燒此有爲世界。如同劫火。燒盡無遺。但有空寂。復想建立無爲之壇。於最下方遍想_𑖀欠字雜色而爲空輪。於空輪上遍想_𑖀合字黑色變成風輪。於風輪上遍想_𑖀嚩字赤色變成火輪。於火輪上遍想_𑖀鍍字白色變成水輪。於水輪上遍想_𑖀阿字黃色變成金剛地於金剛地上遍想有大蓮花。一一蓮華上。皆有准提菩薩。無量聖衆圍繞。一一准提前皆有行者自身。一一身各出無量華果飲食幢幡等。諸供養具而爲供養。又皆對准提鏡壇三密相應。又行者若無准提像。并華果飲食等供具。但作此觀。亦得吉祥成就。一心諦想准提菩薩。具無盡相好光明。於菩薩心月輪中。想有九聖字壇行者想自心月輪中。亦有九字壇。并自身分中。想布九聖之字。𑖀(輪許身分布字如前目說)所獻華果飲食香燭等。於上息災增益敬愛。三法之中所說物色皆得用之。行者衣服。但一一新淨者。

皆得作法。就中黃衣最吉。又行者不須苦節勞形。恐心神散亂。於行住坐臥四威儀中。皆得三密修習。於見聞覺知。唯觀_{於一}阿字。（真清淨法界。亦常作此觀行。）依前次第儀軌持誦至准提真言。從頭無記無數。專精念誦。勤策身心。不令懈怠。欲近成就時。必有種種障起。應作降伏息災等法隨行者根性差別。於其中間必獲三昧現前。即於定中見無數佛會聞妙法音。證得十地菩薩之位。此一種法。唯求出世間。若欲於此法中求成就者。須得預前持誦准提真言五百萬遍。或七百萬遍。或千萬遍。而爲先行。方作此法。定有靈驗。

貳，二驗成行相者、及十門功德。

謂准提陀羅尼經。金剛頂經。蘇悉地等。共十餘本經。皆說真言行者。用功持誦。或夢見諸佛菩薩聖僧天女。或夢見自身騰空自在。或渡大海。或浮江河。或上樓臺高樹。或登白山。或乘師子白馬白象。或夢見好華果。或夢見著黃衣白衣沙門。或喫白物吐黑物。或吞日月等。即是無始罪滅之相。或正持誦時。見諸馱光明。或見空中遍地奇特之華。或見諸佛菩薩聖僧天仙等。或見諸佛淨土。或自遊佛國親承

供養。或暫時間經於多劫。或見燈光高一二尺。乃至一丈。或無火爐中。自有烟起。或見佛像旛蓋自動。或聞諸佛菩薩種種美聲。或覺自身巍巍高大。或齒落重生。或髮白返黑。或身潤白不生蚤虱。或貪嗔癡心自然消滅。或總持不忘。一字能演多義。智慧頓生。自然通曉一切經律論。或一切三昧法門自然現前。或福德頓高。四衆歸仰等云云。此上所說是經文。今有閒僧儒士。汎參禪理者。厥見相以爲妖異。此則非但毀謗最上乘教。亦是捨相取性之邪見也。不知其相本來是性耳。若逢如上之事。但是福慧增長近成就相。莫生疑惑之心。勿起取捨之念。應觀所逢境界。皆是卍阿字。或唵字等。或想皆如夢幻。或想皆是法界一心。若得如是應驗更須策發三業。加功誦持。不得宣說咒中境界銜賣與人。唯同道者。不爲名利敬讚方得說之。若成就時。而有九品。初下三品者。若下品成就。能攝伏一切四衆。凡有所求。舉意從心。一切天龍而來問訊。又能伏一切蟲獸。及鬼魅等。中品成就。能驅使一切天龍八部。能開一切伏藏。或要入修羅宮龍宮便得入之。去住隨心。上品成就。便得仙道。乘空往來。天上天下而得自在。世出世事。無不通達。中三品者。若下品成就。便得諸咒仙中

爲王。住壽無數歲。福德智慧三界無比。中品成就。便得神通往餘世界爲轉輪王。住壽一劫。上品成就現證。初地已上菩薩之位。上三品者。若下品成就。得至五地已上菩薩之位。中品成就得至八地已上菩薩之位。上品成就。三密變成三身。只於此生。得證無上菩提之果。此是持咒人九品成就。若直求成佛。不須求下三品等成就。若准神變疏。有五品成就。一現至信位。二至初地。三至四地。四至八地。五至成佛。此局當經。今通依諸經。故說有九品。謂准提眞言。總含諸部神咒。問曰。云何得准提總含諸部神咒。答。一藏經中。神咒不出二十五部。一。佛部。謂諸佛咒。二。蓮華部謂諸菩薩咒。三。金剛部。謂諸金剛神咒。四。寶部。謂諸天咒。五。羯磨部。謂諸鬼神咒。此五部。每部復各有五。即成二十五部。今准提總攝二十五部。故准提經云。獨部別行。總攝二十五部。又云。若欲召二十五部天魔等。專誦此咒。隨請必至。又云。五部金剛四天王。共結總持三昧界。又大教王經云。七俱胝如來。三身讚說准提菩薩眞言。能度一切賢聖若人持誦。一切所求。悉皆成就不久證得。大准提果是知准提眞言。密藏之中。最爲第一。是眞言之母。神咒之王。准提眞言。總攝

二十五部眞言。准提鏡壇。亦總攝二十五部壇法。謂二十五部中壇法。或用形像印法梵字等。各各不同。今准提鏡壇總攝此一切諸壇法也。故准提經云。總攝二十五部。大曼荼羅。梵語曼荼羅。此云壇也。是知鏡壇最尊最上。能滅一切魔障能生一切功德。眼見身戴。皆獲利樂。故昔人云。壇者生也。出生無盡功德。故壇者集也。無邊聖賢集會之處。如方珠勺月水出圓鏡對日火生。磁石引針。琥珀拾芥。尚有難測功用。況諸佛不思議壇法耶。今有寡見聞者。迷於密教。見用鏡壇。却生毀謗。然三世如來。未有一佛不依壇法而得成道度衆生也。幸廣見聞。速改斯謬。

密圓神咒。是諸佛之頂。菩薩之心。功能廣大。利樂無邊。爲時流少知。今畧敘述亦分爲二。一敘述密咒功德深廣。二問答密咒法器勝劣。且初敘述密咒功德深廣者。粗依聖教畧出十門廣有無量。爲人多不知密教深勝故以十門讚揚。用警未聞。若實一向捨顯讚密。亦非通人。華嚴經云。受一非餘魔所攝。特勸諸後學。若顯若密。或性或相。行則任在一門。信則圓通無礙。勿同盲人摸象。弟子洗足。道殿法師曾有偈云。大聖親宣五教文。千門萬戶入天真。遍觀受一非餘

者。盡是佛家不了人。又既准提總攝二十五部。即知日下十門。皆說准提陀羅尼功德也。

一護持國王安樂人民門。二能滅罪障遠離鬼神門。三除身心病增長福慧門。四凡所求事皆不思議門。五利樂有情救脫幽靈門。六是諸佛母教行本源門。七四衆易修金剛守護門。八令凡同佛如來歸命門。九具自他力現成菩提門。十諸佛如來尚乃求學門。

一初護持國王安樂人民門者。

謂祕密藏諸陀羅尼。能護持國王安樂人民。故寶星陀羅尼經云。一切國土中。所有陀羅尼流行之地。令其人王。常得擁護。勢力自在。亦能擁護王之政化。所有王子妃后。宰相輔臣。諸官將等。皆得擁護。令獲安樂國中所有內外怨敵。謀計姦詐。疾疫饑饉。亢旱水滂。惡獸毒龍如是一切不祥之事皆悉斷滅復令財穀豐饒。庫藏盈溢華果榮盛。人民安樂。又寶藏陀羅尼經說。陀羅尼流行之處。能擁護國王王子。妃后宮主。百寮輔相。令其災難消滅。所願圓成。善神加護。不令鬼魔來相燒惱。復於國內獲十種果報。一國中無他兵怨賊侵燒。二國中

無諸星宿變怪而起災患。三國中無惡鬼神行諸疾疫。善神衛護。萬民安樂。四國中無諸風火霜雹等難。五國中人無怨家得便。六國中人不爲諸魔所逼。七國中人無諸橫死。八國中五穀成熟。甘果豐足。九國中善龍入境。依時降雨。無有旱澇不調之名。十國中人不爲虎狼兇獸諸惡雜毒損害。又七佛神咒經云。陀羅尼。若日月失度。能使正行。穀米不登。能使豐登。大臣謀反。惡心自滅。疾疫刀兵。悉能禳之。又云。其諸人王。欲得現世安樂。離諸患難。其王應當勤心讀誦陀羅尼。亦當勸於妃后嫫女。諸王子等。勤心修習。又守護國界主陀羅尼經云。何以偏說護於國主。謂國主若安樂時。萬民安樂是以偏說護於國主。葉衣觀自在菩薩經云。陀羅尼能除一切有情災禍。疾疫饑饉。一切刀兵。水旱不調。星宿失度。亦能增長福德。國界豐盛。人民安樂。國王男女。皆得長壽。又蘇婆呼童子經云。離真言外。更無別法能與衆生樂者。○廣如諸陀羅尼經中說之。○昔有遼國天佑皇帝。法輪廣運。佛慧流通。堅持密咒。聿獲神功。遂得禾登九穗。麥秀兩岐。寶祚恒安。兆民永樂斯乃陀羅尼之應驗也。

二能滅罪障。遠離鬼神門者。

謂菩提場莊嚴陀羅尼經。最勝總持經。樓閣陀羅尼等。二十餘本經皆說若書寫陀羅尼置佛像中。塔中杵中。或書在幢上。堂殿上。或紙素竹帛上。或樺皮墻壁板木等上。有衆生得覩視者。或身手觸者。或影中過者。或眞言字上塵飄在身者。又或書之戴在頂上者。身上者。衣中者。或書之旛上。或風吹旛動。其旛所指處衆生。或書鐘鼓鈴鐸螺鈸等出聲物上有聞聲者。此上來所說諸衆生等。縱有五無間之罪。諸佛不懺之業。悉皆滅盡。來世生諸佛國。何況親誦持者。故昔人云。五無間之極豐。應念雲消。十惡業之巨愆。纔聞霧散。又隨求頌云。縱犯波羅十惡罪。殺阿羅漢及尊親。五逆根本七無遮。應念隨聲並消滅。眞言聖力功德無量。故我稱讚不思議。又末法中一字咒等。諸陀羅尼經說。持咒者於四方五百驛內。諸惡星曜鬼神天魔等。盡皆馳散而去。有發善心守護者不去。若有固爾不去作障礙者。便令頭破百分。身心粉粹。由是行者。無諸魔障。得至菩提。問曰。有人言持咒者。能惹魔障。今何却說能離魔障。答曰。此是閭巷之談。聖教無

文。今密部諸經。皆說陀羅尼能離魔障。且置勿論。如顯教法華經中。恐有講誦修習法華者。有魔障起。故說陀羅尼品。令除惡魔。故彼經云。若不順我咒。惱亂說法者。頭破作七分。如柯梨樹枝。又釋摩訶衍論。令坐禪人。須得誦咒除魔。又止觀云。若諸魔障惱亂坐禪行者。當誦大乘方等教中。諸治魔咒。若出禪時亦當誦咒。又金光明經說。十地菩薩尚以咒護持。何況凡夫故首楞嚴經云。若不持咒而坐道場。令其身心。遠諸魔事。無有是處。又云。末世衆生樂修三昧恐同邪魔應當勸令持我神咒。若不能誦寫於禪堂。或戴身上。一切諸魔。所不能動。如是等文藏教微多。現見世人。被鬼神惱害。持咒者尙能除得。況於自己。敢惱害耶。

三除身心病增長福慧門者。

謂聖六字陀羅尼經。普賢陀羅尼經文殊一字咒等。十五餘本經。皆說眞言行人。能除種種身心病苦。言身病者。所謂一切熱病。冷病。風病。瘡病。眼病。耳病。鼻病。舌病。口病。齒病。唇病。喉病。面病。頭病。頸病。胸病。脇病。腹病。手病。背病。腰痛。臍病。髀

病。膝病。脚病。痔病。痢病。痰病。氣病。麻病。疔病。腫病。斑病。疥病。疱病。癩病。癬病。痒病。瘡病。狂病。顛癩病。鬼魅病。舉要而言。或四大種種病。或五臟種種病。或鬼神所作種種病。或宿業所感種種病。如是等病。以神咒不思議力。悉能除愈。故持句神咒經。大悲心陀羅尼經。皆云陀羅尼能令枯木還生華果。況有情病而不除耶。○問曰。真言。行者許加持鬼神。療他人病否。答謂妙臂童子經。蘇悉地經等。皆云若求上品大成就事不得用真言加持鬼神。禁諸蟲蛇。療他人病。作此能妨大事。後學宜依佛語。誠之誠之。若實大悲深廣懷菩薩心。不在所遮。故絹索經云。除鬼神病。須三業清淨。具慈悲心。此諸菩薩。方能爲之。○又一切貪嗔癡心病。自然消滅。故白傘蓋陀羅尼經云。若有宿習貪心等。不能除滅。應當一心誦我神咒。如摩登伽女與阿難。是曩劫恩愛。以我咒力。愛心永斷。成阿羅漢。彼是姦女無心修行。神咒冥資速證無學。何況本心求菩提者。又大悲經云至心稱念陀羅尼姦欲火滅邪心除。又如意輪等諸陀羅尼經說。真言行人。現能增長一切福慧。凡所出言。人皆信受。所用衣物財寶等。舉意從心。能令五百由旬內。人天鬼神盡來歸仰。又自

然通曉一切經律論。并世間典籍。或得總持不忘。日記千頌。故大佛頂經云。若讀若誦陀羅尼者。此諸衆生。縱其自身不作福業。十方如來所有功德悉與此人。又云。若持神咒。不生疑悔。是善男子。於此父母所生之身。不得心通。十方諸佛便爲妄語。又云。未精進者。令得精進。無智慧者令得智慧等云云。如世間藥餌。尙能令人除去睡眠。增長精神。豈況神咒不生智慧耶。又不空羈索神咒心經云。若有四衆受持齋戒。專心持誦神咒七遍。不雜異語。當知是人。現世定得二十種勝利。云何二十。一者身無衆病。安隱快樂。二者由先業力。雖有病生。而速除愈。三者身體柔輒。皮膚光澤。面目鮮明。四者衆人愛敬。五者密護諸根。六者多獲財寶。隨意受用。七者所有財寶。王賊水火不能侵損。八者所作事業皆善成辦。九者所有種植。不畏惡龍霜雹風雨。十者若有稼穡災橫所侵。持誦神咒。加持灰或水。經七日已。於其田中。八方結界。上下散灑。災橫爾時皆即除滅。十一者不爲一切暴惡鬼神羅刹等。吸奪精氣。十二者一切有情見聞歡喜。愛樂尊重。常無厭足。十三者常不佈畏。一切怨讐。十四者設有怨讐。速自消滅。十五者人非人等。不能侵害。十六者厭魅咒詛。蠱道不

著。十七者煩惱纏垢不數現行。十八者刀毒水火。不能傷害。十九者諸天善神。常隨衛護。二十者生生不離。慈悲喜捨。又十一面觀世音菩薩神咒經云。若有淨信善男子善女人等。誦持神咒者現世獲得十種勝利。何等爲十。一者身常無病。二者恒爲十方諸佛攝受。三者財寶衣食受用無盡。四者能伏怨敵。而無所畏。五者令諸尊貴恭敬信言。六者蠱毒鬼魅不能中傷。七者一切刀杖所不能害。八者水不能溺。九者火不能燒。十者終不橫死。

四凡所求事皆不思議門者。

謂觀自在儀軌經文殊師利儀軌經。一字頂輪等十餘本經。皆說真言行人求成就時。用四種物。一者弓箭鉞斧。鈎輪杵鏡。或數珠瓶鉢袈裟等僧家所用種種之物。二者雄黃雌黃等種種藥物。三者取河岸上土和泥。作獅子象馬牛駝。或鷄鵝孔雀金翅鳥等。種種禽獸之形。四者或塑畫雕刻種種佛菩薩明王等形像。隨心所樂。科作一事。依法成已。而置壇中。如法誦咒若得火燄出時。或手執。或塗身。或乘之與助伴知識飛騰虛空。或有人見成就者。或成就者見彼人等。總得騰空遊諸

世界。供養諸佛菩薩。皆壽命一劫。獲初地百法明門若烟出時。依前用之得諸仙中爲王。住壽萬萬歲。若煖氣出時得一切人天敬愛所求如意。此是上中下三品成就相也。若火光出上品烟出中品煖氣出下品也。又云。若火光現。得一切咒神。常來擁護。八部之衆。皆常恭敬。一切神咒用之皆得最勝靈驗。若烟相現隨所去處。而無障礙所求遂心。若煖氣現。得一切諸人。并鬼神等。同心敬愛。○西方有一人。得上品成就。引五百人昇空。如此方淮南王藥就鷄犬舐鼎。皆得昇空。故昔人云。淮南成道犬吠雲中。王喬得仙。劍飛天上藥力尙爾。况佛不思議咒耶。神變疏云。人手執仙方。未曾和合服用。却謗白曰昇空者。以爲虛談全成不可。又大教王等諸陀羅尼經說。或令人追龍女爲妻降藥又作奴。執縑索入修羅宮。咒死屍令開伏藏或說成於聖藥或說勅於財寶等云云。顯教之中。此事罕聞。故先德云。三乘教外。別有持明是也。問曰。諸佛本意。合斷貪嗔等。何却令人起貪心。求世事利名等耶。答云。諸佛有不思議度生方便。謂有衆生不肯直求菩提。且隨其所樂。令持咒求之。由神咒不思議力。所求之事。盡得遂心。一切罪業亦得消滅。自然超凡入聖。如小兒有病。不肯服

藥被有智醫人。塗在母乳。其小兒本食母乳。不覺服著良藥。除却病苦。故霸索心咒經云。若有衆生設以諂曲。爲求富貴名利等。得聞此咒。彼諸衆生。生生處處。成就智慧。福聚之香。神變疏云。眞言境界。十地菩薩尙非其境。況生死中人乎。○有人云。陀羅尼多令人有所希求。反損陷衆生者。此是離求外。別取無求。全同斷見外道。今佛教說。終日求之。不見求相。是真無求。非同木石。全不希求也故觀音鈔云。雖念念求。而無能求所求之相。又況諸佛大慈大悲。豈可故意損害衆生。

五利樂有情救脫幽靈門者。

謂大寶樓閣經。大悲心經。牟梨咒等十五餘本經。皆說若有衆生。得見持咒人身者。或聞語音者。或影中過者。盡滅十惡五逆之罪。來世生諸佛國。又持咒人。眼所見者。身所觸者。諸有情等。亦滅一切罪。來世生諸佛國。又持咒人路行。有風吹衣。此風已去所吹者。或江河中洗身。此水已去所漂者。或天降雨時仰空誦咒。其雨滴所霑者。或山頂上誦咒。盡目所覩處。如上所說諸衆生等。皆得滅一切

罪。來世生諸佛淨土。蓮華化生。如世間有毒藥處。下風過者。觸者風時。便至損傷。尙有難測功力。況不思議神咒耶。又羅索經說。若聞陀羅尼而生毀謗者。亦獲利益。如人惡心入龍腦梅檀等林中。斫截踐踏龍腦樹等。其人亦身惹香氣。故佛頂頌云。神通勝化不思議。陀羅尼門最第一。又無垢淨光經。不空羅索經。佛頂尊勝經。隨求經等。皆說若亡人廣造惡業。死墮三途。眞言行者。即稱亡人名字。專心誦咒。亡者應時得離惡趣。生於天上。又以眞言咒土砂。或蓮華散亡者墓上屍上。亡者即得生於諸佛淨土。又亡人衣物或身分骨肉等。得持咒人影映著亦得生諸佛國。又書陀羅尼置亡者骨上屍上。亡者即得生於天宮故先哲云。塵飄影爍。神翫天宮。土散水霑識分惡趣。○問曰。亡人造業既成。已墮三途之中。云何眞言行者。或稱亡人名字。或咒砂土置屍塚上。便令亡人轉惡道苦。得佛國樂耶。非唯俗士懷疑兼乃緇流難信。答云。智者以譬喻得解今舉喻況之。如世禁咒之人。禁火不燒。禁刀不斫。禁蛇不螫尙能變有毒而作無毒。豈況如來神咒不能改苦得樂耶。又如列子書說。師文善彈琴。正當春時而叩商弦以召南呂。涼風總至。草木成實。○商金音屬秋。南呂八月律。由

得秋氣。草木成實。正秋而叩角弦以激夾鍾。涼風徐迴。草木發榮。○角木音屬春。夾鍾二月律。由得春氣。草木榮華。當夏而叩羽弦以召黃鍾。霜雪交下。川池暴凍。○羽水音屬冬。黃鍾十一月律。得冬氣故凝陰冰凍。及冬而叩徵弦以激蕤賓。陽光熾烈。堅冰消散。○徵火音屬夏。蕤賓五月律。得夏氣故。堅冰消散。此是世間彈琴之術。尙能變秋作春更冬爲夏。況如來大不思議神咒。豈不能改惡道苦。得佛國樂耶。又莊子云。六合之外。聖人存而不論。華嚴經說。十地菩薩。一舉足量智功德。九地菩薩不能知。況我如來是諸聖中王。所以祕密心印。豈可以凡夫妄情而欲籌量者哉。其猶井坎之魚。爭知東海之深廣也。唯宜諦而信之。故觀世音菩薩祕藏神咒經云。若有受持神咒之者。凡有所作。必得成就。唯須深信。不得生疑。持咒之者。既能利樂有情。救脫幽靈。千手千眼觀世音菩薩大悲心陀羅尼經說。其持咒人。不受十五種惡死。一者不令其飢餓困苦死。二者不爲枷禁杖楚死。三者不爲冤家讐對死。四者不爲軍陣相殺死。五者不爲虎狼惡獸殘害死。六者不爲毒蛇虻蠍所中死。七者不爲水火漂焚死。八者不爲毒藥所中死。九者不爲蟲毒所害死。十者不爲枉亂失念死。十一

者不爲山樹崖岸墜落死。十二者不爲惡人厭魅死。十三者不爲邪神惡鬼得便死。十四者不爲惡病纏身死。十五者不爲非分自害死。又不空羅索神咒心經說。誦咒之人。臨命終時獲八種勝利。一者臨命終時。見觀自在菩薩作苾芻相來現其前。歡喜慰喻。二者安隱命終。無諸苦痛。三者將捨命時。眼不反戴。口無欠呿。手絕紛擾。足離舒捲。不泄便利。無顛墜牀。四者將捨命時。住正憶念。意無亂想。五者當命終時。不覆面死。六者將捨命時。得無盡辯。七者既捨命已。隨願往生諸佛淨國。八者常與善友不相捨離。又十一面觀世音神咒經說。誦咒之人。得四種功德。一者臨命終時。得見諸佛。二者終不墮諸惡趣。三者不因險厄而死。四者得生極樂世界。

六是諸佛母。教行本源門者。

謂一切諸佛。皆從陀羅尼所生樓閣經云。真言是諸佛之母。成佛種子。若無真言。終不能成無上正覺。又三藏教。盡從陀羅尼所出。故最上大乘寶王經中說有四乘。一聲聞乘。二緣覺乘。三方廣大乘。四最上金剛乘。謂陀羅尼藏是也。一切法皆從金剛乘陀羅尼中流出。神

變鈔云千流萬派起自崑崙積石之山。十二分經。出乎總持祕密之藏。又萬行總從陀羅尼所流。謂真言中。每一一字。全是無相法界。萬行無不從法界所流故持明藏儀軌經云。唵字即是無相法界又真言亦名三藏。有持咒者皆號三藏。謂真言中。每一一字。皆含戒定慧。三且萬行不出六度。六度不離三學。既真言名三藏。即知真言總含萬行。真言是總行。其餘法門。是支流行門也。問曰。上引經云。陀羅尼是禪定藏。百千三昧常現前故。今又說真言總含三藏。即知真言備含一切禪定之門。何以今時禪者。不許持咒耶。答云。准諸傳記竺天華夏。古來禪德。衆善奉行。何況神咒是無相定門。諸佛心印耶。故白傘蓋陀羅尼頌云。開無相門圓寂宗。字字觀照金剛定。又云。瑜伽妙旨傳心印。摩訶衍行總持門。如龍樹菩薩。准傳燈錄是西天禪宗第十四祖。節畧持明藏經。弘揚准提神咒。一行禪師是中夏聖人。贊述神變真言。智者禪師。得宿命通。廣示持咒儀軌。契符禪師。人問最上乘法直教持誦密言。古來禪師豈不許持咒耶。又禪宗既說一切諸法皆是眞如。持誦眞言。豈非是眞如耶。今有或禪或講。見弘密咒。恐失已利。心生嫉妬者。請現在未來。提防惡報。故佛頂無垢光明陀羅尼

說。昔無垢婆羅門。爲人宣說祕密神咒。有光明長者先有多人歸仰。恐失己利。而生惡心。興惡心已。便得癩病。受大苦惱。直至命終。墮於無間大地獄中。受苦一劫。又墮傍生中。受苦一劫。復生地獄中。受苦一劫。方得爲人。生無兩目。以宿願力。再遇無垢婆羅門。作大苾芻。宣說密咒聞之歡喜。承彼咒力。死生天上等。上說謗之獲益。但有遠益。非無謗罪。如光明長者是也。蓋爲密咒是諸佛心印。有無量明王諸天龍神等護持。致使謗之者。現世多得癩病。奉勸時流。切宜慎之。

七四衆易修金剛守護門者。

謂一切四衆。但解言語者。行住坐臥。四威儀中而易誦習。又但口誦。便是眞行。能除煩惱安樂法身。不假備通教典。如病人得藥服之。便能除病身安。不在廣會醫書。故般若經云總持猶妙藥。亦如天甘露。能療衆惑病。服者常安樂佛頂陀羅尼疏云。齋戒不稟而自備果證不遠而可得。消難獲利。自行化他。因人果人。靡不由此而辦其事。又曼荼羅疏云。念如來之神咒。心心暗契如來心。諷菩薩之密

言。願願冥符菩薩願。何生死而不逃。何涅槃而不得。若依餘宗修行。須要廣知聖教。明悟真心。然後修行。方是正行。若未悟而修。皆非正行。如世病人。須要廣知醫書。明閑藥性。方得治病者。即萬中難得一也。是知神咒行門省畧。功德甚深。普引七衆。速至菩提。最爲要道。故義淨三藏云。昇天乘龍。役使百神。利生之道。唯咒是親。問曰。夫依顯教。須得依教生信。依信生解。依解起行。行成得果。今密宗神咒。不令生解。但誦持之。便得道果。既越常規。難以生信。答曰。如世間病人。不解藥方。遇神妙藥而服食之。便得病除身安。彼既不解藥性。何得病除身安。世藥尙爾。況如來不思議咒耶。又如來之教。不可以一理推。既言顯密有異。不須一祛要解。起信鈔云。膠柱調絃。全歸愚者。守株待兔。且非智人。唯宜信而持之。速得道果若不生信。空無所獲大悲心經說。誦持咒者。一切所求。皆得果遂唯除於咒生疑。又云。若有生疑不信其人百萬劫中。常處惡道不聞三寶又諸經說眞言行者。四威儀中。有無量天龍八部諸金剛衆常守護之。故廣大圓滿無礙大悲心陀羅尼經云。誦持陀羅尼者是無畏藏。龍天善神常護持故又云。若能如法誦咒即有一切善神龍王。金剛

密跡。常隨衛護不離其側。如獲眼睛。如護己命。又持咒者。若在空山曠野。獨宿孤眠。是諸善神。番代宿衛。辟除災障。若在深山。迷失道路。善神龍王。化作善人示其正道。若逢賊陣被他抄掠。墮落他國。善神龍王接還本土。若在山林曠野。乏少水火。龍王護故。化出水火。故彼頌云。龍天衆聖同慈護百千三昧頓熏修。又大佛頂陀羅尼經說。設有衆生。於散亂心。口持神咒。常有八萬四千那由他恒河沙俱胝金剛藏王菩薩種族。一一皆有諸金剛衆而爲眷屬晝夜常隨。侍衛此人縱令魔王求其方便。終不可得。諸小鬼神。去此善人十由旬外。若魔眷屬欲來侵擾是善人者。諸金剛衆。而以寶杵殞碎其首。猶如微塵。恒令此人。所作如願故彼頌云。八萬四千金剛衆。行住坐臥每隨身。密部諸經廣說護持誦咒之人。欲要知者請看藏教。

八令凡同佛。如來歸命門者。

謂眞言行者。持誦神咒。課數滿時。身語意三所作善惡之業。皆成無漏功德法門。故白傘蓋頌云。誦滿一萬八千遍。遍遍入於無相定。號成堅固金剛幢。自在得名人中佛。縱使罵詈不爲過。諸天常聞梵語

聲。大悲心陀羅尼經云。誦持陀羅尼者。口中所出言音。若善若惡一切天龍聞者。皆是清淨法音。又偈云譬如靈丹藥。點鐵成金寶誦持陀羅尼。變凡作聖賢又神變疏云。眞言行者。能令三業。即同本尊三業。又持咒行者。得諸佛歸命。故佛頂偈云。十方世界諸如來。護念歸命受持者。是也。

九具自他力現成菩提門者。

謂顯教中。有自力他力二門。十住論念佛鏡等說。一自力門。謂修六度萬行等。名難行道。如人陸地步行千里程則遲到。二他力門。謂念佛等。名易行道。如人水路乘船行千里程則疾到。今眞言中。密具自他二力。謂大乘寶王等諸經中說。眞言行者。日日得具六波羅蜜圓滿功德。又佛頂頌云。不持齋者名持齋。不持戒者名持戒。僧破二百五十戒。比丘尼犯八波羅。聞念佛頂陀羅尼。便得具足聲聞戒。○彼佛頂疏云。菩薩行門隨行則具。今不行而備。蓋神咒之力。具足萬行。斯言不誣矣。則是自力門。又眞言中。每一一字。皆是諸佛全身。未法中一字咒經云。吾滅度之後變身作此咒等。即是他力門。又諸經說

眞言行者。現世能成無上菩提。故樓閣經云。我於無量俱胝百千劫。雖行苦行。猶不得菩提。由纔聞陀羅尼故。加行相應。便成正覺。又五字陀羅尼頌云。諸佛本誓力。現成諸聖事。即於一坐中。便成最正覺。又陀羅尼序云。若學蘊於心。即凡夫三業成功德聚。只於此生便得菩提。何勞修進多劫。又神變疏。判陀羅尼爲大不思議成佛神通乘。謂依餘門成佛。如乘羊馬行千里程經久方到。依陀羅尼成佛。如乘神通行千里程。舉意便到。所至處雖無異所乘法有遲疾也。又餘門成佛。如磨黃石取如意珠。依眞言門成佛。如神通力取如意珠。又云。如餘菩薩爲求菩提。雖難行苦行。如救頭燃。經無量劫。尙不能得如是成就。眞言行者。不虧法則。只於此生得菩提也。故神變鈔云。頓超地位。譬之以神通速離纏痾。喻之以咒術。又大教王經云。若不依祕密課誦修行。終不能成於無上菩提也。

十諸佛如來尙乃求學門者。

如大乘莊嚴寶王經說。諸佛亦求神咒。何況凡夫。而不持誦耶。故彼經說觀音菩薩一毛孔中。有無量國土。無量諸佛菩薩等。普賢菩薩。

入觀音菩薩一毛孔中。經十二年不知分齊。又云。觀音有六字大明陀羅尼。一切如來皆不知其所得之處。因地菩薩。云何得知。乃至說蓮華上佛成佛竟。方經歷諸佛。求此。六字大明等。問曰。佛具一切智。豈不知得陀羅尼也。答。有三義。一者表此陀羅尼最勝最深令人生於尊重。所以言佛不知。而自求之。二者爲權教中佛。不能得知圓宗密咒。如小乘極果。不能知得大乘深法。三者密宗神咒。即體便是圓圓果海。故佛不得。如釋大乘論說。圓圓果海。佛亦不得。今六字大明。准提神咒。即體便是圓圓果海也。今密部一切神咒。當顯教中所詮法也。實而論之。具含能詮所詮。一切神咒說文當顯教中能詮言也。今六字准提當顯教中果海也。問曰。寶王經只言六字大明。佛不知得云何今說准提。佛亦不知得。答云。彼寶王經說六字大明已。便說准提。是知准提同是果海又佛知佛說諸真言。於五部中佛部所收。今准提獨出五部之外。若非圓圓果海是何法耶。又問曰。夫真言者。但是能詮言教。即以聲名句文爲體。何得判爲圓圓果海。答云。若作此問。蓋是未知密教宗旨。今密教中。祕密神咒。即是所詮之法。一切說文是能詮言。如上已說。又設誦神咒。便屬能詮。若伸此問。但

是小乘之見解也。謂小乘教中。能詮言教。多以聲名句文爲體。大乘始教。或以聲名句文爲體。或以唯識爲體。終教中說。以無性眞如爲體。頓教之中以絕待眞如爲體。圓教中說。或以十玄爲體。或海印三昧爲體。彼顯教中能詮之言尙爾。即是絕待眞如。十玄門等。況密宗神咒。當顯圓中一眞法界耶。又釋摩訶衍論。據生滅門中。能詮之教。會相歸性。以眞如爲體。或以一心爲體。眞如門中。即絕待眞如爲體。又甚深玄理論不動本源論。此二論中。廣畧解說。不二果海。當彼二論中能詮之言。以何爲體。以理推徵。即知不二果海爲體。彼能詮言尙爾。即是不二果海。況今六字大明。准提神咒。義當彼二論中所詮法耶。又自古諸師。皆云祕密神咒。是諸佛心印。唯佛得知。非因位所解。又今莊嚴寶王經說。佛亦不知神咒。若非圓圓果海。是何法耶。願諸學者。虛懷體之。勿滯局情。問曰。何以圓圓果海。諸佛不得。答云。謂圓圓果海。是本性成就之法。表非是諸佛修因斷障所得故。又表迴出因果之外故。所以言諸佛不得。而自求之。據實而論。諸佛皆知得也。故賢首性德果海。即十佛境界是也。問曰。六字大明。准提神咒。既是圓圓果海。即是十佛境界。何以凡夫而得持

誦。答云。今密教中說以真言不思議力。令凡夫三業。同如來三業。而得持誦。又密宗神咒。若據所知所解。即唯是諸佛境界。今因位凡夫。雖非知解。但當持誦。自然滅障成德。超凡入聖也。斯之一義。語驚俗聽。理越常情。人既罕聞。庸流難信。博學上智。細而詳之。於上三義。任情取捨。上來十門。畧述密部。盡依經典。非是下愚能知密言。故神變疏鈔云。金剛手方可探其蹟。蓮華眼始能窺其奧。

參，問答密咒法器勝劣者。

問曰。上之十門。盡敘述圓教中真言。爲當一切真言而有勝劣。五教各不同耶。爲復一切真言而無勝劣。皆是圓教耶。答云。准神變疏。而有二門。一隨他意門。一切真言而有勝劣。諸部不同。又清涼疏主。於經律論三藏之外。立一雜藏。收陀羅尼而有四藏。三乘各四。成十二藏。既三乘中各有陀羅尼。例知五教下。亦各有密咒也。如諸阿含經中咒。即是小教。諸般若經中咒。即是始教。金光明經中咒。即是終教。楞伽經中咒。即是頓教。大乘莊嚴寶王經中。六字大明。准提神咒。即是圓教。又上來十門中所引諸陀羅尼多是圓教。○梵語

陀羅尼。此云總持。即以教理行果四法爲體。五教中陀羅尼。各總含攝當教中教理行果也。五教勝劣。今舉喻況之。令初學易知。一小教如鐵。二始教如銅。三終教如銀。四頓教如金。五圓教似如意珠。二隨自意門。一切真言更無勝劣。皆是毘盧遮那大不思議祕密心印。一代教中。乃至鬼神所說真言。皆是毘盧遮那如來。欲普門益生。全體變作彼鬼神類而說真言。非實鬼神能說真言。餘類皆爾。又賢首清涼以義判教。一經之中。容有多教。即知一切經中真言。皆是圓教。一切真言名總持者。能總含攝無盡教理行果也。實而言之。雙用二門。妙契佛心。故神變疏云。真言行者。能於差別中。解無差別義。於無差別中。解差別義。當知是人。善達真言相也。問曰。上說密部。包廣包深。難思難議。未審此法被何根器。答曰。所被根器。亦有二門。一就隨他意門。真言既有五教不同。根器亦乃五種各異。五教中陀羅尼。各總被當教中上中下三根也。故曼荼羅疏中。亦說陀羅尼。通被勝劣諸根。二就隨自意門。一切陀羅尼。皆被不思議圓根。故佛頂頌云。神通勝化不思議。陀羅尼門最第一。今有未曾鑽仰密教者。多云陀羅尼藏唯被下根。斯言甚謬。且諸經中說陀羅尼。或名最上乘。

或名無上乘。或名金剛乘。或名不思議乘。豈可唯被下根耶。故清涼云。以淺爲深。有符理之得。以深爲淺。有謗法之愆。冀諸學者。切宜留心。不得固執先聞。而生輕忽五天中夏。顯密雙明。方是通人。

七俱胝佛母准提神咒持誦法要終

附供佛利生儀

○初修敬田

行者欲得定慧增長。福智圓明。必須廣修悲敬二田。上供十方三寶。下濟六道四生。以此爲定慧之基。菩提之本。故云菩提心有二種。度無邊衆生爲因。無上菩提爲果。曼荼羅疏云。夫爲道者。上若不供諸佛菩薩。何處展智。欲求菩提。下若不濟諸仙餓鬼。何處行悲。行者如欲修敬。當依準提經結五供養印。誦根本真言。運想供養本尊諸佛菩薩。一切聖衆。成就所願。福智圓滿。如或常須供養。不能依經作法。今準諸部陀

羅尼。并成佛心要畧而出之。先當於聖像前。一心恭敬。五體投地。遍禮十方。法界無盡佛法僧三寶。如五字陀羅尼頌。令結金剛印。以兩手各相背。二小指二拇指相鈎。口誦真言七遍。真言曰。

唵。嚩。囉。勿。 (二合) 𑖀 勿 (微吉切)

誦已。以印頂上散之。由此真言印不思議力。自然遍法界無盡三寶前。皆有自身禮拜奉事。然後以飲食香華等。隨力所辦。盛於淨器。結普通吉祥印。印之。以右手拇指與無名指相捻。餘三指舒散。

○次誦淨法界真言。加持二十一遍。真言曰。

嚩。

由此真言加持及手印力。其飲食器物等。自然清淨遍於法界。蓮華部

念誦法云。於一切供養香華等。皆加持此_三嚩字。放白色光即無穢觸。所供養物。皆遍法界。

○次誦無量威德自在光明勝妙力變食真言。合掌加持二十一遍真言曰。
曩謨薩嚩怛他藥多。嚩盧枳帝。唵。三婆囉。二婆囉吽。

由此真言加持力故。其飲食等。即變成諸天種種餽饌上味。奉獻供養十方無盡三寶。亦為讚歎勸請隨喜功德。復結出生供養印。二手外相又合掌。十指各兩節相交。安在頂上。

○次誦出生供養真言。二十一遍真言曰。

唵。
𑖀

由此真言及印不思議力。自然遍法界出生。無盡香華燈燭。幢幡寶蓋衣服臥具。樓閣音樂等。種種供具供養遍法界無量三寶等。若無飲食香華等。但於佛前運想結印誦咒。亦自然出生如上種種供具供養法界三寶。

○次修悲田。

欲施諸仙食者。以一淨器。盛滿飲食。誦變食眞言二十一遍。投於淨流水中。即變成天仙美妙之食。供養百千俱胝恒河沙數諸仙。彼諸仙等。得加持食。各各成就根本所願。諸善功德。若人以此眞言加持飲食。施諸仙衆。能令現世增長福壽。心所見聞。正解清淨。具足成就梵天威德。一切冤讐不能侵害。欲濟諸餓鬼者。每於晨朝。及一切時。悉無障礙。取一淨器。盛少水。置少飯。及諸餅食。以左手持器。右手作寶手印。以大指。壓頭指。中指。小指。舒無名指。用攪食上。施仙食亦作此印。誦變食眞言七遍。加持已。然後稱四如來名號。

南無多寶如來。(能破餓鬼慳吝業。得福德圓滿。)

南無妙色身如來。(能除餓鬼醜陋形。得色相具足。)

南無廣博身如來。(能令餓鬼咽喉寬大。所施之食。悉皆充足。)

南無離怖畏如來。(能除餓鬼一切怖畏。得離鬼道。)

稱四如來名號已。彈指七遍。取其食器。於淨地上展右臂瀉之。或淨石上。生食臺上。淨器中皆得。作此施已。於四方百千俱胝那由他。恒河沙數餓鬼前。各有摩伽陀國七七斛食。受此食已。悉皆飽滿盡捨鬼趣。生於天上。若有比丘。比丘尼。優婆塞。優婆夷等。以此密言。及四如來名號。加持於食。施諸餓鬼。便能具足無量功德。短命之者壽命延長。薄福之者福德增榮。又得顏色鮮潔威德強盛。速能滿足檀波羅密。一切非人夜叉。羅刹。諸惡鬼神。皆畏是人不致侵害。

欲施水者。取水一瓶。持甘露咒七遍。彈灑空中。其水一滴。即皆變成十斛甘露。一切餓鬼並得飲之。無有乏少。皆悉滿足。

眞言曰。

南無素嚕皤耶。但他揭多耶。但姪他。唵。素嚕素嚕。皤囉素嚕。
皤囉素嚕。莎嚩訶。

○觀自在菩薩甘露眞言

𑖅曩𑖅謨𑖅囉𑖅但曩𑖅囉𑖅但𑖅夜𑖅野𑖅。𑖅曩𑖅謨𑖅阿𑖅也哩𑖅
嚩𑖅路𑖅𑖅𑖅帝𑖅濕𑖅囉𑖅野𑖅。𑖅冒𑖅地𑖅薩𑖅但𑖅野𑖅。
𑖅摩𑖅賀𑖅薩𑖅但𑖅野𑖅。𑖅摩𑖅訶𑖅𑖅迦𑖅𑖅嚩𑖅但𑖅𑖅
野𑖅𑖅也𑖅你𑖅他𑖅也𑖅唵。𑖅度𑖅𑖅顛𑖅也𑖅度𑖅𑖅顛𑖅也𑖅
𑖅娑賀𑖅。

觀自在菩薩陀羅尼經云。若人誦此咒者。所有過去現在。四重五逆謗

囉捺
𑖦 麼 𑖦 拏 𑖦 鉢 𑖦 𑖦 納
麼 𑖦 入
囉 𑖦 羅 鉢 𑖦 𑖦 𑖦 𑖦 𑖦 野 𑖦 𑖦 𑖦 𑖦

不空羅神變經云若諸衆生。具造十惡五逆四重之罪。數如微塵。滿斯世界。身懷命終。墮諸惡道。以此真言加持土沙一百八遍。散亡者屍骸上。或散塚墓上。彼所亡者。若在地獄餓鬼修羅傍生等中。以此真言加持力故。應時即得光明及身。除諸惡報。捨所苦身。往於西方極樂國土。蓮華化生。直至成佛。更不墮落。

或用紙帛書此真言。置亡者身上。或骨上亦妙。故偈云。真言梵字觸屍骨。亡者得生淨土中。見佛聞法。親授記。速證無上大菩提。若人聞此咒二三七遍。經耳根者。即得除滅一切罪障。若有衆生連年累月。痿黃疾惱。苦楚萬端。是病人者。先世業報。以是真言於病者前。一二三日。每日高聲誦此真言。一千八十遍。則得除滅宿業病障。若爲鬼燒。魂識悶亂。失音不語。持真言者。加持一百八遍。摩捫頭面。以手按於心上。額上。加持一千八十遍。則得除瘡。若諸鬼神魍魎之病。加持五色線索一百八結。繫病人腰臂項上。即除瘡矣。

○功德寶山陀羅尼。

𣵛入𣵛囉。𣵛沒𣵛馱。𣵛尾𣵛盧。𣵛枳𣵛帝。𣵛𣵛𣵛𣵛。夜𣵛地𣵛。
𣵛瑟多𣵛𣵛𣵛𣵛𣵛。𣵛婆𣵛𣵛。

經云。此陀羅尼有大威德。佛由此成道。由此降魔。能滅惡障。能成六度。若書於幢上。殿上。氎紙上。牆板等上。有諸衆生。暫得見者。或身手觸者。或影中過者。及餘人。轉觸此人者。或佩身。或頂戴。或書於有聲物上。其聞聲者。或讀誦者。或有但聞此陀羅尼名者。如是衆生等。縱有四重五逆十惡等罪。悉皆消滅。決定當得無上菩提。能於現世。獲無量百千功德。常得國王宰官。四衆喜敬。不受世間種種諸苦。毒藥刀杖。水火等難。一切獅子。虎狼諸惡禽獸。不敢爲害。又無一切盜賊鬼神。邪魅。諸毒蛇難。又現身不受一切諸病。所謂一切瘡病。眼病。耳病。鼻病。舌病。齒病。唇病。喉病。頭病。項病。諸支分病。手病。背病。腰痛。臍病。痔病。淋病。痢病。癩病。瘡病。髀病。脚病。疔病。腫病。癰瘕病。癩病。肚病。疥病。疱病。癩病。癬病。如是等病。悉不著身。不爲厭禱蟲毒咒詛著身。無橫災死。臥安覺安。於其夢中。見百千佛刹。及見諸佛。并

諸菩薩圍繞。臨命終時。心不散亂。一切諸佛。現世安慰。又一切傍生。鹿鳥蚊蟲。飛蛾。螻蟻。乃至胎卵濕化。諸有情等。聞此陀羅尼名者。或身觸者。或影中過者。決定當得無上菩提。又人於高山頂上。誦此陀羅尼者。盡眼所見處。一切衆生皆得滅除一切罪業。

已上修持悲敬諸真言等。若不能各各誦持書寫者。一切所作。悉用準提真言。亦得。以準提真言。似如意珠。若行人處處用之皆得成就也。上言誦持真言。能滅五逆十惡四重罪者。須知罪有性遮。懺具事理。性則無論受戒與不受戒。作便是罪。遮謂曾受佛戒。故心毀犯事。須披陳發露。禮佛名經。行方等儀。能伏業本理。謂專觀實相。達罪性空滅業根源。此諸真言神咒。若能依法誦持。即事理雙運業本罪源並消。若犯禁戒。準律說悔。加以神咒。則事理兼備。性遮齊遣。不可纔聞神咒功力。便乃違犯禁戒。不依律懺。遮罪猶存。或托真言儀軌。數造衆過。譬如愚人恃王勢力。廣作諸惡。禍終滅頂。業心不斷。罪實難除。必使身心俱捐。方得罪滅。如日消霜矣。

○一切如來心祕密全身舍利寶篋印陀羅尼

那莫悉怛哩野地尾迦南薩婆怛他藥多喃。唵部尾婆嚩娜
嚩唎。嚩者梨。嚩者齾。祖嚕祖嚕。馱囉馱囉。薩嚩怛他藥多。馱
都馱梨鉢娜。娑嚩底惹也。嚩梨畝恒梨薩磨囉。怛他藥多。
達摩斫迦囉。鉢羅靺栗多娜。嚩曰羅。冒地滿拏。楞迦囉楞訖
哩諦。薩嚩怛他藥多地。瑟恥諦。冒馱野。冒馱野。冒地冒地。沒
鞞沒鞞。參冒馱。參冒馱野。者囉者囉。者懶都薩嚩嚩囉拏
彌。薩嚩播波尾藥諦。戶嚕戶嚕。薩嚩戍迦弭藥帝。薩嚩怛他
藥多。紇哩娜野。嚩曰囉拏。參婆囉。參婆囉。薩嚩怛他藥多。嚩
哩野。馱羅拏。畝涅犁囉沒悌。蘇沒悌。薩嚩怛他藥多地。瑟恥
多。馱覩藥陞。娑嚩訶。參摩耶。地瑟恥帝。娑嚩訶。薩嚩怛他藥

多。紇哩娜野。馱覩畝捺犁。娑嚩訶。蘇鉢囉底。瑟恥多薩覩閉。
怛他蘖多地瑟恥帝。戶嚕戶嚕。吽。娑嚩訶。唵。薩嚩怛他蘖
多。塢瑟拈沙。馱覩畝捺囉尼。薩嚩怛他蘖單。娑馱覩尾部使
多地瑟恥帝。吽。娑嚩訶。

此咒威神之力。不可思議。若能書寫於佛塔中。或靜室中。恭
敬受持。功德無量。有此咒地。皆是一切如來全身舍利在此。
龍天聖衆恒常擁護。若安佛塔中供養。此塔皆是七寶之所
成就。頂禮受持。凡有所求。悉皆遂心。滿一切所願。

佛說七俱胝佛母准提大明陀羅尼經

法觀行附

唐天竺三藏金剛智譯

如是我聞。一時薄伽梵在名稱大城。祇樹給孤獨園。爾時世尊。思惟觀察。愍念未來諸衆生故。說過去七俱胝准提如來等佛母准提陀羅尼。乃至我今同說。即說大明日。

娜麼颯哆南 三藐三勃陀俱胝南 但姪他 唵 折隸

主隸 准提 莎嚩訶

若有苾芻。苾芻尼。鄔波索迦。鄔波斯迦。受持讀誦此陀羅尼。滿九十萬遍。無量劫來。五無間等一切諸罪。悉滅無餘。所在

生處。皆得值遇諸佛菩薩。所有資具隨意充足。無量百生常得出家。若是在家菩薩。修持戒行。堅固不退。速得成就。無上菩提。恆生天上。常爲諸天之所愛敬。亦常守護。若下生人間。當爲帝王家子。或貴族家生。其家無有災橫。病苦之所惱害。不墮三惡道趣。諸有所作。無不諧偶。所出言教。人皆信受。誦此陀羅尼滿十萬遍者。得見聲聞緣覺菩薩諸佛。若有重罪不得見者。更誦滿十萬遍。即境界中吐出黑飯。或見昇於宮殿。或登白山。及上樹。或見大池旋水。或騰空自在。或見天女與妙言辭。或見大集會中聽說妙法。或見拔髮。自身剃頭。或喫酪飯。飲白甘露。或渡大海。或浮大河。或昇獅子座。或見菩

提樹。或上船。或見沙門。或著白衣黃衣。以衣籠覆頭。或見日月。或見童男女。或見自身上有乳樹。或昇花果樹。或見黑丈夫口中吐出火燄。怖走而去。或見惡馬水牛狀似相鬪。退失而走。或見自食乳粥。或見有香氣白花。若見如上相者。即知罪滅。若有五逆罪業重。不得見如上相者。應當更誦滿七十萬遍。決定得見如前相貌。

復次我今說此陀羅尼功德所作之事。若於佛像前。或於塔前。若清淨處。以瞿摩夷塗地。而作四肘方曼荼羅。復以花香幡蓋飲食燈明燭火。隨力所辦。依法供養。若欲求願。先須念誦加持香水。散於八方上下結界。既結界已。於曼荼羅四角

及其中央。皆各置一香水之瓶。行者於西面向東方。俯跪念誦一千八十遍。其香水瓶即便自轉。隨意東西。任以高下。或以淨瓦鉢燒香熏之。內外塗香。盛滿香水并好香花。置曼荼羅中。依前瓶法。而作念誦。其鉢則轉。與瓶無異。若欲得知一切成就。不成就事。即燒香發願。啓白聖者。願決疑心。若右轉。即知成就。若左轉。即不成就。

又取好花念誦一百八遍。遣一童子。洗浴清淨。著新淨衣。以香糝塗手。捧花掩面。復以自手更取別花。念誦一遍。一擲童子身上。童子即問善惡。皆說。隨意舞笑。起坐來去。或於淨潔鏡面。以好花念誦一百八遍。散置鏡上。使者即身現鏡中。復

以前法更取好花散鏡面上。即有善惡相。自現鏡中。或以朱砂。或以香油塗大母指甲。其香油以摩酥那花浸胡麻油中念誦一百八遍。即現天神及僧菩薩佛等形像。若心有所疑。三世中事。一一請問。皆知善與不善。即大母指上自現。

若人卒得惡病。以石榴枝。白茅香草等。念誦鞭拂之。即愈。或以茅草置酥中。念誦七遍。擲著火中燒之。令烟熏病人。即除愈。或取童女所搓之線。念誦一遍。作一結。如是滿二十一結。與病人小男女等項上繫著。惡魔鬼魅等病。皆得除瘥。或以白芥子置酥中。取芥子少許。念誦一遍。一擲火中。如是二十一度。病即除愈。又以瞿摩夷塗地。作曼荼羅。以炭畫地。作彼

形。石榴等杖鞭之。彼鬼啼泣。求自走去。不敢更來。或以銅鑕鐵木等。作金剛杵。置病人邊。念誦。以杖打拂。亦即奔走。復有一法。若有人被鬼所著。復身在遠處。不能自來。或行者不能自去。應取楊枝。念誦一百八遍。遣人將去。彼云。汝住。汝去。某乙遣將此杖鞭汝。汝若不去。損汝無疑。若不去。鞭之即去。復有一法。若在路夜行。念誦不闕。無有賊盜。及虎狼惡魅鬼等。怖畏難處。持心念誦。并作護身。彼等諸難。即皆自滅。或發菩提心。或生怖畏。或有言說。心求免離。若被執縛。即自解脫。若欲渡江河大海。水中所有龍黿等畏。念誦亦如前法。即得不怖。

或被蛇咬。即遣彼人圍繞念誦人數匝。即愈。

或患丁瘡癰癤癬漏。取熏陸香。淨土水相和。念誦二十一遍。塗上即愈。

或復國土水旱不調。牛馬畜等疫毒流行。應以油麻大麥粳米粟豆酥蜜乳酪白乳木諸雜香等。皆置一邊。燒香發願。爲一切衆生。除去災難。即作手契護身想念。取前諸物念誦加持。擲著火中燒之。如是七日。日別三時作法。時別一千八百遍。即得滿願。一切安樂。一切三寶。悉皆護助。亦能成就一切大願。

若欲降伏諸大鬼神。見即心伏。取舍利骨七粒。於白瑠璃椀

中盛著。取醍醐半升。亦盛著椀中。於白月十五日夜。香臺前。及宰堵波塔前。泥一二肘方曼荼羅。置椀於中。取好花供養。西面著一香爐。燒安息香。馭馭念誦。其椀中舍利當放光。或生出舍利。時行者持香爐。發願禮拜。即取出舍利。盡飲醍醐。其舍利盛一瑠璃瓶中。以五色綵囊盛之。頭戴。即無量俱胝佛。常逐行者。諸鬼神等。自然降伏。作法時。一日一夜不食。若求富饒。以粳米油麻置酥酪中。手把少許。發願念誦七遍。擲著火中燒之。隨力七日。乃至七七。日。即如其願。若求子。於樺皮葉上。書此陀羅尼。并畫童子。以紫綵裹之。念誦一千八十遍。安著髻中。即孕。

若欲他敬念者。稱彼前人名字。念誦本部一千八十遍。即得敬念。

若夫不樂婦。取淨瓶盛滿香水。別置淨處。以瞿摩夷塗作曼荼羅。念誦一百八遍。如是七瓶。皆作此法。於淨處以香花爲道場。取瓶內香水洗浴。夫即愛樂。亦得有孕。婦不樂夫。亦如前法。

若欲降伏捨觀噓。取一劫波羅香湯淨洗浴。取黃丹和酥。塗著劫波羅上。使遍塗。一小曼荼羅置中。燃五盞酥燈。布於四角。并中心。稱前那摩念誦。一稱一誦。加持白芥子。曼荼羅上著一盞乳。供養此劫波羅。一易云爲我取彼質多來。彼即質

多禱法。欲母馱彼捨覩噓即伏。實莫令盡。即累劫障道。若欲求聰明。取石菖蒲牛黃各半兩。搗作末。以酥和。於佛前作曼荼羅。念誦五千遍服之。即得聰明。

欲得見一切鬼神。取牛黃念誦。令烟火出。即塗目。并服之。即見。復有一法。於大海邊。或河渚間沙灘之上。以塔形像印。印沙灘上。爲塔形像。念誦一遍。印成一塔。如是數滿六十萬遍。即得覩見聖者觀自在菩薩之像。或見多羅菩薩。金剛藏菩薩。隨其心願。皆得滿足。或見授與仙神妙藥。或見授與菩提之記。或現前問來。隨其乞願。皆得菩薩等位。

復有一法。右繞菩提樹像。行道念誦。滿一百萬遍。即見佛菩

薩羅漢。爲其說法。意欲隨菩薩。即得隨從。所求如願。乃至現身成大咒仙。即得往詣十方淨土。歷事諸佛。得聞妙法。

復有一法。若乞食時。常持此陀羅尼。不爲惡人惡狗等類之所侵害。乞食易得。

復有一法。若在塔前。或佛像前。或舍利塔前。誦此陀羅尼三十萬遍。復於白月一日至十五日。設大供養。一日一夜不食。正念誦時。得見金剛藏菩薩。即將是人往自宮中。

復有一法。若有王難。被繫閉枷鎖。禁其身者。誦此陀羅尼。即得解脫。

復有一法。若於轉法輪塔前。或佛生處塔前。或佛從忉利天

下寶塔階前。或舍利塔前。於如是等諸塔之前。念誦右繞。滿
七七。日。即見阿鉢羅是多菩薩。及呵利底菩薩。隨其所願。皆
悉滿足。若須仙藥。即便授與。復爲說法。示菩提道。

若有誦此陀羅尼者。乃至未坐道場。一切菩薩爲其勝友。又
此准提大明陀羅尼。諸佛菩薩所說。爲利益一切衆生無邊
菩提道場故。若有薄福衆生。無有少善根者。無有根器之者。
無有菩提分者。是人若得聞此准提大明陀羅尼。若讀一遍。
即得菩提分根器芽生。何況誦持常不懈廢。由此善根。速成
佛種。無量功德。皆悉成就。無量衆生。遠離塵垢。決定成就阿
耨多羅三藐三菩提。

說七俱胝佛母准提陀羅尼念誦法

依梵經本有十萬偈誦。我今略說念誦觀行供養次第。若有
苾芻。苾芻尼。鄔波索迦。鄔波斯迦。發菩提心。行菩薩行。求速
出離生死者。先須入三摩耶灌頂道場。受持禁戒。堅固不退。
愛樂大乘菩薩戒行。於四威儀。修四無量。發四弘願。永離三
途。於一切事業。心不散亂。方可入此祕密法門。凡念誦供養
法。於所在處。皆須清淨澡浴。著新淨衣。嚴飾道場。隨力所辦。
其道場法。應先選穩便勝地。東西南北。各量取四肘。作方曼
荼羅。掘深一肘。除去骨石磚瓦惡土。髮毛灰炭糠棘蟲蟻之

類。以好淨土。填滿築平。取新瞿摩夷并好土。以香湯相和塗地。若在樓閣。或居船上。依法泥塗。若在山中。及好淨屋。不須掘地。依前塗飾。即張天蓋。四面懸旛。若有本尊七俱胝佛母形像。安置曼荼羅中。面向西。若無本尊。有諸佛像舍利。及大乘經典。供養亦得。磨白檀香。塗作八角曼荼羅。猶如滿月。或似八葉蓮華。即以新淨供具。金銀熟銅商佉貝玉石瓷木等器。盛諸飲食。及好香花燈明。遏伽香水。隨力所有。布置供養。若苾芻。苾芻尼。先持戒行。初入道場。復須懺悔。更自誓發願受戒。若在家菩薩。初入。亦須自誓。隨力發願。受三皈五戒。或常持八戒。若常三時念誦。即於道場西面向東。至心合掌。五

體著地。敬禮十方諸佛菩薩。虔誠運想。遍虛空界。便右膝著地。合掌至心懺悔。自無始已來身口意罪。今對諸佛菩薩前。弟子某甲。發露懺悔。乃至過去現在未來三世諸佛菩薩。福智圓滿種種功德。我今隨喜。即結跏。或半跏。安心定坐。除一切妄想。觀六道衆生。無始以來。生死海中。輪迴六趣。願皆發菩提心。行菩薩行。速得出離。即以塗香摩手。而結手契。結契時。以衣覆手。勿令人見。先結三部三摩耶契。次結諸契。

佛部三摩耶契第一

其契相。福智手並仰。檀戒忍辱般若方便願微屈相拄。進力壓忍願上節。禪智附進力側。即成。誦妙言曰。

唵。怛他蘖覩嚩皤（去聲）耶。莎嚩訶。誦三遍以契頂上散之。蓮花部金剛部並准此。

蓮華部三摩耶契第二

二福智相合。戒忍進方便願力。各各散開微屈。六波羅密開如蓮華。檀般若禪智頭相著。亦微屈。即成。誦妙言曰。

唵。鉢頭牟嚩皤（去聲）耶。莎嚩訶。（誦三遍）

金剛部三摩耶契第三

福覆智仰。禪般若檀智相交。即成。誦妙言曰。

唵。嚩折嚩婆皤（去聲）耶。莎嚩訶。（誦三遍）

准提佛母根本身契第四

其契相先以二手小指。二無名指。相叉入掌。二中指直豎。頭

相著。二頭指頭附二中指上節側。二大指各附二頭指側。即成。妙言誦根本陀羅尼。誦七遍。以契頂上解散。以下諸契結成。揮觸印了。亦並須頂上散之。

辟除一切天魔惡鬼等契第五

其契先以右手中指無名指小指及大指握左手中指以下三指。次以左大指握左中指以下三指甲上。爲合拳。以二頭指頭相著。即成。妙言曰。

唵。俱。(上聲)嚕憚那。(引)吽惹。誦一遍。以契右旋繞身一。如此三度作。即是。

結地界橛契第六

其契相以左右二中指二無名指相叉入掌。右壓左。左頭指屈如鉤。右頭指直豎。二大指二小指令面相著。即成。妙言曰。

唵。准。備。泥。枳。邏。耶。莎。嚩。訶。誦一遍。以契大母指觸地一回。如卓柱勢。三度作。即休。

結牆界契第七

其契准前櫛契。以右手頭指屈如鉤。左頭指直豎。即成。妙言曰。

唵。准。備。泥。鉢。囉。迦。羅。耶。莎。婆。訶。誦三遍。以契右揮三市。即是。

結網契第八

其契准牆契。開仰著。右大指捻左頭指頭。左大指捻右頭指

頭。小指依舊相拄。即成。妙言曰。

唵。准。備。半。惹。邏。莎。嚩。訶。誦三遍。以契隨日揮三度。即是。

結外火院大界契第九

其契以左手密掩右手背。相重直豎。一大指相去二寸許。即

成。妙言曰。

唵。阿三摩。呬。備。訶。莎。嚩。訶。誦三遍。以契右旋三度。即是。

結車輅契第十

其契相先以二手向內相叉。右壓左。即仰開掌。二頭指直伸。頭相拄。以二大指撥二中指頭來去。即成。妙言曰。

唵。覩。嚩。覩。嚩。莎。嚩。訶。結此契。心想阿迦尼瑟吒天宮中。毗盧遮那如來。十地菩薩圍繞集會中。請准提佛母聖者。乘七寶莊嚴車輅。

車輅上有白蓮花座。座上有如所畫像形。心中想念。如在目前。誦妙言三遍。

結迎請聖者契第十一

准前第一根本契。以二大指來去招之三度。即成。妙言曰。

唵。折。隸。主。隸。准。提。噎。醯。薄。伽。嚩。底。莎。嚩。訶。結此契。想聖者從寶車上。下來道場中白蓮花座上。

即誦妙言
三遍。

結蓮華座契第十二

准前根本契。並二大指向身開豎之。即成。妙言曰。

唵。迦摩囉。莎嚩訶。

結此契。心想道場中。種種寶細獅子座上。開白蓮華。安置聖者。即誦妙言三遍。

結遏迦契第十三

准前根本契。以二大指各捻頭指根第一節側下。即成。妙言曰。

唵。折隸主隸。准提。遏鉗薄伽嚩帝。鉢囉底搓。莎嚩訶。

結洗浴契第十四

准前遏迦契。以二大指各並捻二中指下節側。即成。妙言曰。

唵。折。莎嚩訶。

結塗香契第十五

准前根本契。以二大指博著右頭指下節側。即成。妙言曰。
唵。隸。莎。嚩訶。

結華鬘契第十六

准前根本契。以二大指安著左頭指下節側。即成。妙言曰。
唵。主。莎。嚩訶。

結燒香契第十七

准前根本契。屈右頭指捻二大指頭即成。妙言曰。
唵。隸。莎。嚩訶。

結供養飲食契第十八

准前根本契。以左頭指相捻。二大指頭。即成。妙言曰。
唵。准。莎。嚩。訶。

結燈契第十九

准前根本契。以二頭指各捻二大指頭。即成。妙言曰。

唵。提。莎。嚩。訶。已上塗香契等。各各以契觸當色物上供養。

結布字契第二十

其契相以二中指二無名指。向內相叉。二大指二頭指二小指並直豎。頭相著。即成。結此手契成。即想自身猶若釋迦如來。三十二相。八十種好。紫磨金色。圓滿身光。想已以手契觸頭上布唵字。觸眼中布折字。一一依字次第。乃至兩足。皆以

契觸布之。

說陀羅尼字想布於身法

𑖀

唵想安頭上

其色白如月

放於無量光

除滅一切障

即同佛菩薩

摩是人頂上

𑖃

折字安兩目

其色如日月

爲照諸愚暗

能發深慧明

𑖆

隸字安頸上

色如紺瑠璃

能顯諸色相

漸具如來智

𑖉

主字想安心

其色如皎素

猶心清淨故
速達菩提路

𠄎 隸字安兩肩
色黃如金色

猶觀是色相
能披精進甲

𠄎 准字想臍中
其色妙黃白

速令登道場
不退菩提故

𠄎 提字安兩髀
其色如淺黃

速證菩提道
得坐金剛座

𠄎 禱字安兩脛
其狀作赤黃

常能想是字
速得轉法輪

𠄎 訶字置兩足
其色猶滿月

行者作是想 速得達圓寂

如是布字想念已 便成准提勝法門

亦名本尊真實相 能滅諸罪得吉祥

猶如金剛堅固聚 是名准提勝上法

若常如是修行者 當知是人速悉地

第二根本契第二十一

其契相以二手向內相叉。二頭指二大母指並直豎。即成。妙言曰。

南無颯哆喃 三藐三勃陀 俱胝南 怛姪 (你也切) 他

唵 折隸 主隸 准提 莎嚩訶 (誦七遍。於頂上解散。)

結捧數珠契第二十二

其契相。先取數珠安二手掌中。即當心合掌。誦前根本陀羅尼三遍。以珠頂戴。便作把數珠契淨珠。

把數珠契第二十三

其契相。以二手二無名指。二大指各捻珠上。二手相去一寸許。餘指散開微屈。即成。誦淨數珠妙言曰。

唵。微盧遮那阿摩羅莎嚩（二合）訶。（誦三遍）

淨數珠已。以自心想七俱胝佛母口中。出七俱胝陀羅尼文字。二字放五色光。入行者口裏。安自心月中。右旋布置。即誦本尊陀羅尼一遍。以右手無名指捻一顆珠過。周而復始。不

急不緩。不得高聲。須分明稱字。而令自聞。所觀本尊。及身上布字。念誦記數。於一念中。並須一時觀見。不得有闕。使心散亂。如觀念疲勞。隨力念誦。或一千二千。乃至三千四千五千。遍常取一數爲定。如有忙事。亦不得減數至一百八以下。此名聲念誦。

若求解脫速出離生死。作此三摩地瑜伽觀行。無記無數。念者即想自心如一滿月。湛然清淨。內外分明。以唵字安月心中。以折隸主隸准提莎嚩訶字。從前右旋次第周布輪緣。諦觀一一字義。與心相應。不得差別。

說三摩地觀念布字義

唵字門者。是流注不生不滅義。復於一切法爲最勝義。

折字門者。於一切法。是無行義。

隸字門者。於一切法。是無相義。

主字門者。於一切法。是無起住義。

隸字門者。於一切法。是無垢義。

准字門者。於一切法。是無等覺義。

提字門者。於一切法。是無取捨義。

莎囉字門者。於一切法。是平等無言說義。

訶字門者。於一切法。是無因寂靜無住涅槃義。

所說字義。雖立文字。皆是無文字義。既無文字。須諦觀一一

義相。周而復始。無記無數。不得斷絕。不斷絕者。爲流注不生。不滅最勝義。由不生不滅最勝義。是故無行。爲無行義。是故無相。爲無相義。是故無起住。爲無起住義。是故無等覺。爲無等覺義。是故無取捨。爲無取捨義。是故平等無言說。爲平等無言說義。是故無因寂靜無住涅槃。爲寂靜無住涅槃義。是故不生不滅。最勝無斷。周而復始。此名三摩地念誦。

說准提求願觀想法

若求無分別者。當觀無分別無記念。若求無相無色。當觀文字無文字念。若求不二法門者。應觀兩臂。若求四無量。當觀四臂。若求六通。當觀六臂。若求八聖道。當觀八臂。若求十波

羅蜜圓滿十地者。應觀十臂。若求如來普遍廣地者。應觀十二臂。若求十八不共法者。應觀十八臂。即如畫像法觀也。若求三十二相。當觀三十二臂。若求八萬四千法門者。應觀八十四臂。如上觀念。當入一切如來三摩地門甚深方廣不思議地。是正念處。是正眞如。是正解脫。念誦觀行了欲出道場。復須依前次第。更結燒香燈明飲食等手契。供養懺悔。隨意發願。即結前第一根本契。誦根本陀羅尼七遍。頂上散之。復結前車輅契。以二大母指向外三度撥中指頭。誦妙言曰。唵。覩。嚧。覩。嚧。莎。嚩。訶。（誦三遍）

復結前迎請契。以二大母指向外三度開。即成。送聖者還本

宮妙言曰。

唵。折隸。主隸。准提。藥車。藥車。婆伽。嚩底。莎嚩。嚩喃。布娜。囉哦。
摩那耶。莎嚩訶。(誦三遍)

復結前外火院大界契。誦阿三摩。祇入。備。誦妙言。左轉三遍。
即成。

復更結三部三摩耶契。各誦妙言一遍。即了。任出道場。隨意
經行。讀誦大般若。或華嚴。或無邊門。或法華。楞伽。涅槃。大乘
經論等。思惟誦說。或以七俱胝佛像塔印。用印香泥沙上紙
上。隨意印之多少。

如念誦有功德。如經所說境界。一一分明。了知次第。欲得作

扇底迦等種種方法。或爲自身。或爲他人。即任依法而作念誦。
說扇底迦法

若欲求息災。除一切鬼神。及聰明長命。求解脫者。即於道場中。面向北。交脚豎膝而坐。衣服飲食香華燈燭地等。並用白色。從月一日至八日。日三時念誦。及護摩等法。若念誦時。先誦根本陀羅尼三七遍已。然後但從唵字誦之。妙言曰。
唵。折隸主隸准提。與彼某甲除災難。莎嚩訶。

說布瑟置迦法

若欲求增長五通轉輪種種寶藏。布著輪劍賢瓶如意寶。安善那虞里迦。鏡及鉞斧。縹索三叉等一切財寶藥草等。求成

就法者。身著黃衣。面向東。結跏趺坐。所供養香華飲食果子燈燭地等。並用黃色。從月八日至十五日。日三時念誦護摩等事。念誦如前。妙言曰。

唵。折隸主隸准提。與彼某甲所求如意。莎嚩訶。

說伐施迦羅拏法

若欲呼召一切天龍鬼神人非人等。應作此法者。身著赤衣。面向西。結賢坐。香華飲食果子燈燭地等。並用赤色。從十六日至二十三日。日三時念誦護摩等法。妙言曰。

唵。折隸主隸准提。爲彼攝召某神成就我願。莎嚩訶。

說阿毗遮嚕迦法

若欲降伏一切惡神鬼。及損三寶人天者。有多罪業障重衆生調伏難者。能令發菩提心修諸善業者。應起慈悲心。而作此法。身著青衣。面向南。作蹲踞坐。左脚壓右脚。用香華食果地等。皆用青黑色。從二十三日至月盡日。日三時念誦護摩等法。妙言曰。

唵。折隸。主隸。准提。吽。發吒。

作法已。即如常念誦。

說七俱胝佛母准提畫像法

取不截白氎清淨者。擇去人髮。畫師受八戒齋。不用膠和色。用新椀盛彩色。而用畫之。其像作黃白色。種種莊嚴其身。腰

下著白衣。衣上有花。又身著輕羅綽袖天衣。以綬帶繫腰。朝霞絡身。其手腕以白螺爲釧。其臂上釧七寶莊嚴。一一手上著指環。都十八臂。面有三目。上二手作說法相。右第二手施無畏。第三手把劍。第四手把數珠。第五手把微妙布羅迦果。漢言子滿果。此間無。西國有。第六手把鉞斧。第七手把鉤。第八手把拔折羅。第九手把寶鬘。左第二手把如意寶幢。第三手把蓮華。第四手把澡罐。第五手把索。第六手把輪。第七手把螺。第八手把賢瓶。第九手把般若波羅蜜經夾。菩薩下作水池。池中安蓮華。難陀跋難陀二龍王共扶蓮華莖。於蓮華上安准提菩薩。其像周圍安明光燄。其像作憐愍眼。看行者在下坐。手執香

爐面向上看菩薩。於菩薩上。畫二淨居天。像法如是。

佛說七俱胝佛母准提大明陀羅尼經並念誦觀行法 終

【音釋】

齧五巧切

癰癰於容切

駁悉合切馬行相及貌

樺胡化切木名

夔魚傑切

皤禾

蹲禾

憚徒案切

訖呼今切

檄其月切

祇音節切

輅落故切

胙傍禮切股也

鉞王伐切大斧也

絹古滋切網也

蹲

踞蹲徂尊切
踞居御切
綽昌略切
寬

南無護法韋馱天尊菩薩

